



詩紀目錄

魏一

卷之一

曹操

度關山

短歌行二首

善哉行

步出東西門行

右觀滄海

右冬十月

右土不同

右龜雖壽

薤露

蒿里行

苦寒行

善哉行

却東西門行

氣出唱三首

精列

對酒

陌上桑

秋胡行二首

魏二卷之十二

文帝

曹短歌行

秋胡行二首

善哉行二首

丹霞蔽日行

煌煌京洛行

釣竿行

十五

猛虎行

善哉行二首

折楊柳行

燕歌行二首

臨高臺

陌上桑

秋胡行

上畱田行

大墻上蒿行

艷歌何嘗行

月重輪行

黎陽作三首

於醮作

孟津

芙蓉池作

於玄武陂作

至廣陵於馬上作

雜詩二首

於明津作

清河作

代劉勳妻王氏雜詩

二首

黎陽作

寡婦

令詩

飲馬長城窟行

失題

見挽船士兄弟辭別詩

甄皇后

塘上行

明帝

短歌行

善哉行

同前四解

步出夏門行

月重輪行

長歌行

苦寒行

權歌行

種瓜篇

燕歌行

魏三卷之三

陳思王植

丹霞蔽日行

飛龍篇

薤露行

惟漢行

君子行

鰕鮒篇

吁嗟篇

豫章行二首

蒲生行浮萍篇

箜篌引

野田黃雀行

門有萬里客

泰山梁甫行

怨詩行

怨歌行

輦舞歌五首

聖皇篇

靈芝篇

大魏篇

精微篇

孟冬篇

當欲游南山行

名都篇

美女篇

白馬篇

升天行二首

五遊

遠遊篇

仙人篇

鬪鷄篇

盤石篇

驅車篇

種葛篇

棄婦篇

妾薄命二首

平陵東

當來日大難

桂之樹行

當墻欲高行

當事君行

當車以駕行

苦思行

魏四卷之十四

陳思王植

上責躬詩

應詔詩

朔風詩

矯志詩

元會詩

閨情

公宴詩

侍太子坐

贈徐幹

贈丁儀

贈王粲

又贈丁儀王粲

贈丁翼

贈白馬王彪

送應氏詩二首

三良詩

遊仙詩

雜詩七首

七哀詩

情詩

喜雨詩

失題

七步詩

離友詩二首

姤詩

鬻醜詩

艷歌

樂府

芙蓉池

言志

雜詩

魏五 卷之十五

王粲

太廟頌

俞兒舞歌四首

予俞新福歌

安臺新福歌

弩俞新福歌

行辭新福歌

贈蔡子篤詩

贈士孫文始

贈文叔良

思親詩

公讌詩

從軍詩五首

詠史詩

雜詩

雜詩四首

七哀詩三首

魏六 卷之十六

陳琳

飲馬長城窟行

遊覽二首

宴會

徐幹

答劉公幹詩

情詩

室思

雜詩五首

為挽船士與新娶妻別

劉楨

公讌詩

贈五官中郎將四首

贈徐幹

贈從弟三首

雜詩

鬪雞

射鳶

失題二首

魏七

卷之十七

應瑒

報趙淑麗

公讌

侍五官中郎將建章臺集詩

別詩二首

鬪雞

應璩

百一詩三首

雜詩三首

三叟

應瑗

雜詩

阮瑀

駕出北郭門行

琴歌

詠史詩二首

雜詩二首

七哀詩

隱士

苦雨

失題

公讌

怨詩

繆襲

魏鼓吹曲十二首

楚之平

戰榮陽

獲呂布

克官渡

舊邦

定武功

屠柳城

平南荆

平關中

應帝期

邕熙

太和

挽歌

繁欽

贈梅公明詩

遠戍勸戒詩

蕙詠

定情詩

槐樹詩

雜詩

吳質

思慕詩

邛鄲淳

答贈詩

杜摯

贈母丘儉

母丘儉

答杜摯

何宴

擬古

失題

左延年

秦女休行

從軍行二首

程曉

贈傅休奕詩

又贈傅休奕

嘲熱客

秦宓

遠遊

焦先

祝魴歌

魏八

卷之十八

嵇康

秋胡行七首

幽憤詩

贈秀才入軍十九首

酒會詩七首

雜詩

答二郭三首

與阮德如

遊仙詩

述志詩二首

六言十首

惟上古堯舜

唐虞世道治

知慧用

名與身孰親

生生厚招咎

名行顯患滋

東方朔至清

楚子文善仕

老萊妻賢名

嗟古賢原憲

思親詩

稽喜

言
目錄
答嵇康四首

郭遐周

贈嵇康三首

郭遐叔

贈嵇康五首

阮德如

答嵇康二首

魏九卷之十九

阮藉

詠懷詩三首

詠懷八十二首

歌二首

采薪者歌

大人先生歌

無名氏

歌謠

徐州歌

滎陽令歌

行者歌

明帝景初中童謠

齊王嘉平中謠

軍中謠

鴻臚歌

夏侯謠

州中歌

邢子昂歌

吳一

卷之二十

孫皓

爾汝歌

韋昭

吳鼓吹曲十二曲

炎精缺

漢之季

攄武師

伐烏林

秋風

克皖城

關背德

通荆門

章洪德

從歷數

承天命

玄化

薛瑩

獻詩

張純

賦席

賦犬

賦琴

無名氏

歌謠

王世容歌

彭子陽歌

黃龍中童謠

孫亮初童謠

孫亮初白鼉鳴童謠

孫皓初童謠

孫皓天紀中謠

吳謠

時人語

廣陵諺

孫皓時詩妖

詩紀目錄終

詩紀卷之十一

北海馮惟訥彙編

魏一

曹操

字孟德沛國譙人漢舉孝廉為郎歷位丞相封魏王後其子丕代漢追諡曰武皇帝

樂府

度關山

天地間人為貴立君牧民為之軌則車轍馬跡經
緯四極黜陟幽明黎庶繁息於鑠賢聖總統邦域

封建五爵井田刑獄有燔丹書無普赦贖臯陶甫

侯宋書作刑何有失職嗟哉後世改制易律勞民為君

役賦其力舜漆食器畔者十國不及唐堯采椽不

斲世歎伯夷欲以厲俗侈惡之大儉為共德許由

推讓豈有訟曲兼愛尚同疏者為戚右一曲魏晉樂所奏

短歌行二首

對酒當歌人生幾何譬如朝露去日苦多慨當以
慷憂思難忘何以解憂唯有杜康青青子衿悠悠
我心但為君故沈吟至今呦呦鹿鳴食野之苹我

有嘉賓鼓瑟吹笙明明如月何時可掇憂從中來

不可斷絕越陌度阡枉用相存契闊談讌心念舊

恩月明星希烏鵲南飛繞樹三匝何枝可依山不

厭高海不厭深周公吐哺天下歸心魏晉樂所奏分為六解與

此並同但無越陌以下八句

周西伯昌懷此聖德三分天下而有其二修奉貢

獻臣節不墜崇侯讒之是以拘繫一解後見赦原賜

之斧鉞得使征伐為仲尼所稱逮及德行猶奉事

殷論敘其美二解齊桓之功為霸之首九合諸侯一

匡天下一匡天下不以兵車正而不譎其德傳稱

三解孔子所歎竝稱夷吾民受其恩賜與廟胙命無

下拜小白不敢爾天威在顏咫尺四解晉文亦霸躬

奉天王受賜珪瓚秬鬯彤弓盧弓矢千虎賁三百

人五解威服諸侯師之者尊八方聞之名亞齊桓河

陽之會詐稱周王是以其名紛葩六解○右二曲晉樂所奏

善哉行

古公亶父積德垂仁思弘一道哲王於豳一解太伯

仲雍王德之仁行施百世斷髮文身二解伯夷叔齊

古之遺賢讓國不用餓殂首山三解智哉山甫相彼

宣王何用杜伯累我聖賢四解齊桓之霸賴得仲父

後任豎刁蟲流出戶五解晏子平仲積德兼仁與世

沈德未必思命六解仲尼之世王國為君隨制飲酒

揚波使官七解

步出東西門行

一曰碣石篇樂志曰碣石魏武帝辭晉以為碣石舞其歌四章一曰觀滄海二曰冬十月三日土不同四曰龜雖壽與此竝同但曲前無艷爾

雲行雨步超越九江之臯臨觀異同心意懷遊

詩經 卷之一
豫不知當復何從經過至我碣石心惆悵我東

海

雲行至
此為艷

東臨碣石以觀滄海水河澹澹山島竦峙樹木叢
生百草豐茂秋風蕭瑟洪波一作濤湧起日月之行

若出其中星漢燦爛若出其裏幸甚至哉歌以詠

志

一解

右觀滄海

孟冬十月北風徘徊天氣肅清繁霜霏霏鷓鴣晨
鳴鴻鴈南飛鷺鳥潛藏熊羆窟栖錢鏹停置農收

積塲逆旅整設以通商賈幸甚至哉歌以詠志

二解

右冬十月

鄉土不同河朔隆寒流澌浮漂舟船行難雖不入
地蘆籟深奧水竭不流冰堅可蹈士隱者貧勇俠
輕非心常歎怨戚戚多悲幸甚至哉歌以詠志

三解

右土不同

一作河
朔寒

神龜雖壽猶有竟時騰蛇乘霧終爲土灰老驥伏
櫪志在千里烈士暮年壯心不已盈縮之期不但
在天養怡一作恬之福可得永年幸甚至哉歌以詠

志

右一曲魏晉樂所奏

右龜雖壽

薤露

惟漢二十世所任誠不良沐猴而冠帶知小而謀
彊猶豫不敢斷因狩執君王白虹為貫日已亦先
受殃賊臣執國柄殺主滅宇京蕩覆帝基業宗廟
以燔喪播越西遷移號泣而且行瞻彼洛城郭微
子為哀傷

蒿里行

關東有義士興兵討羣凶初期會盟津乃心在咸
陽軍合力不齊躊躇而鴈行勢利使人爭嗣還自
相戕淮南弟稱號刻璽於北方鎧甲生蟣蠹萬姓
以死亡白骨露於野千里無雞鳴生民百遺一念
之斷人腸

右二曲魏樂所奏

苦寒行

藝文樂府並作魏文帝

北上太行山艱哉何巍巍羊腸坂詰屈車輪為之
摧樹木何蕭瑟北風聲正悲熊羆對我蹲虎豹夾
路啼谿谷少人民雪落何霏霏延頸長歎息遠行

多所懷我心何怫鬱思欲一東歸水深橋梁絕中

路一作道正徘徊迷惑失故路薄暮無宿棲行行日

已遠人馬同時饑擔囊行取薪斧冰持作糜悲彼

東山詩悠悠使我哀晉樂所奏分六解每解疊首二句

善哉行

自惜身薄祜夙賤罹孤苦既無三徙教不聞過庭

語一解其窮如抽裂自以思所怙雖懷一介志是時

其能與二解守窮者貧賤惋歎淚如雨泣涕於悲夫

乞活要能覩三解我願於天窮琅邪傾側左雖欲竭

忠誠欣公歸其楚四解快人由為歎抱情不得敘顯

行天教人誰知莫不緒五解我願何時隨此歎亦難

處今我將何照於光曜釋銜不如雨六解○右二

奏

却東西門行

鴻鴈出塞北乃在無人鄉舉翅萬里餘行止自成

行冬節食南稻春日復北翔田中有轉蓬隨風遠

飄揚長與故根絕萬歲不相當奈何此征夫安得

去四方戎馬不解鞍鎧甲不離傍冉冉老將至何

詩經
卷之一
時反故鄉神龍藏深泉猛獸步高岡狐死歸首丘
故鄉安可忘

右一曲魏
晉樂所奏

氣出唱三首

駕六龍乘風而行行四海外路下之八邦歷登高
山臨谿谷乘雲而行行四海外東到泰山仙人玉
女下來遨遊驂駕六龍飲玉漿河水盡不東流解
愁腹飲玉漿奉持行東到蓬萊山上至天之門玉
關下引見得入赤松相對四面顧望視正惶惶一作
惶開王心正興其氣百道至傳告無窮閉其口但

當愛氣壽萬年東到海與天連神仙之道出窈入
冥常當專之心恬澹無所惕欲閉門坐自守天與
期氣願得神之人乘駕雲車驂駕白鹿上到天之
門來賜神之藥跪受之敬神齊當如此道自來
華陰山自以爲大高百丈浮雲爲之蓋仙人欲來
出隨風列之雨吹我洞簫鼓瑟琴何閭閻酒與歌
戲今日相樂誠爲樂玉女起起舞移數時鼓吹一
何嘈嘈從西北來時仙道多駕煙乘雲駕龍鬱何
務務遨遊八極乃到崑崙之山西王母側神仙金

言終
卷之一
止玉亭來者爲誰赤松王喬乃德旋之門樂共飲
食到黃昏多駕合坐萬歲長宜子孫

遊君山甚爲真確魄砢砢爾自爲神乃到王母臺
金階玉爲堂芝草生殿傍東西廂客滿堂主人當
行觴坐者長壽遽何央長樂甫始宜孫子常願主
人增年與相守

右三曲魏
晉樂所奏

精列

厥初生造化之陶物莫不有終期莫不有終期聖
賢不能免何爲懷此憂願螭龍之駕思想崑崙居
思想崑崙居見欺於迂怪志意在蓬萊志意在蓬
萊周孔聖徂落會稽以墳丘會稽以墳丘陶陶誰
能度君子以弗憂年之暮奈何時過時來微

對酒

對酒歌太平時吏不呼門王者賢且明宰相股肱
皆忠良咸禮讓民無所爭訟三年耕有九年儲倉
穀滿盈班白不負戴雨澤如此百穀用成却走馬
以糞其土田爵公侯伯子男咸愛其民以黜陟幽
明子養有若父與兄犯禮法輕重隨其刑路無拾

言終 遺之私囹圄空虛冬節不斷人耄耄皆得以壽終

恩澤宋書作德廣及草木昆蟲

陌上桑

駕虹蜺乘赤雲登彼九疑歷玉門濟天漢至崑崙
見西王母謁東君交赤松及羨門受要秘道愛精
神食芝英飲醴泉拄杖桂枝佩秋蘭絕人事遊渾
元若疾風遊歛飄翩一作景未移行數千壽如南

山不忘愆右一曲晉樂所奏

秋胡行二首

晨上散關山此道當何難晨上散關山此道當何
難牛頓不起車墮谷間坐盤石之上彈五弦之琴
作為清角韻意中迷煩歌以言志晨上散關山一解
有何三老公卒來在我傍有何三老公卒來在我
傍負揜被裘似非恒人謂卿云何困苦以自怨徨
徨所欲來到此間歌以言志有何三老公二解我居
崑崙山所謂者真人我居崑崙山所謂者真人道
深有可得名山歷觀遨遊八極枕石漱流飲泉沈
吟不決遂上升天歌以言志我居崑崙山三解去去

不可追長恨相牽攀去去不可追長恨相牽攀夜

夜安得寐惆悵以自憐正而不譎乃一作賦依因

經傳所過西來所傳歌以言志去去不可追四解

願登泰華山神人共遠遊願登泰華山神人共遠

遊經歷崑崙山到蓬萊飄颻八極與神人俱思得

神藥萬歲為期歌以言志願登泰華山一解天地何

長久人道居之短天地何長久人道居之短世言

伯陽殊不知老赤松王喬亦云得道得之未聞庶

以壽考歌以言志天地何長久二解明明日月光何

所不光昭明明日月光何所不光昭二儀合聖化

貴者獨人不萬國率土莫非王臣仁義為名禮樂

為榮歌以言志明明明日月光三解四時更逝去晝夜

以成歲四時更逝去晝夜以成歲大人先天而天

弗違不戚年往憂世不治存亡有命慮之為崑歌

以言志四時更逝去四解戚戚欲何念歡笑意所之

戚戚欲何念歡笑意所之壯盛智慧殊不再來愛

時進趣將以惠誰汎汎放逸亦同何為歌以言志

戚戚欲何念五解○右二曲魏晉樂所奏

詩經

卷之一

魏

詩紀卷之十一 終

詩紀卷之十二

魏二

文帝

諱丕字子桓太祖長子八歲能屬文建安十六年為五官中郎將二十二年立為魏太子太祖薨嗣位為丞相魏王稱受漢禪遂即帝位○詩品曰文帝詩源出於李陵頗有仲宣之體則所計百許篇率皆鄙質如偶語惟西北有浮雲十餘首殊美瞻可翫始見其工矣不然何以銓衡羣彥對揚厥弟者耶

樂府

短歌行

古今樂錄曰王僧虔技錄云短歌行仰瞻一曲魏氏遺令使節朔奏樂魏文製

言
卷之二
此辭自撫箏和歌歌者曰貴官彈箏貴官即魏文也此曲聲制最美辭不可入

樂宴

仰瞻帷幕俯察几筵其物如故其人不存 神靈
倏忽棄我遐遷靡瞻靡恃泣涕連連 啾啾遊鹿
街草鳴麇翩翩飛鳥挾子巢棲 我獨孤煢懷此
百離憂心孔疚莫我能知 人亦有言憂令人老
嗟我白髮生一何早 長吟永歎懷我聖老曰仁
者壽胡不是保

右一曲魏樂所奏
分六解解四句

秋胡行二首

第一首一作歌魏德
第二首一作浮萍篇

堯任舜禹當復何為百獸率舞鳳凰來儀得人則
安失人則危唯賢知賢人不易知歌以詠言誠不
易移鳴條之役萬舉必全明德通靈降福自天
汎汎綠池中有浮萍寄身流波隨風靡傾芙蓉含
芳菡萏垂榮朝采其實夕佩其英采之遺誰所思
在庭雙魚比目鴛鴦交頸有美一人婉如清揚知
音識曲善為樂方

有美四句又
見善哉行

善哉行二首

一曰
擬作

上山採薇薄暮苦饑谿谷多風霜露沾衣 野雉

羣雉猿猴相追還望故鄉鬱何壘壘二解高山有崖

林木有枝憂來無方人莫之知三解人生如寄多憂

何為今我不樂歲一作日月如宋書作其馳四解湯湯川流

中有行舟隨波轉薄有似客遊五解策我良馬被我

輕裘載馳載驅聊以忘憂六解

有美一人婉如清揚妍姿巧笑和媚心腸知音識

曲善為樂方哀弦微妙清氣含芳流鄭激楚度宮

中商感心動耳綺麗難忘離鳥夕宿在彼中洲延

頸鼓翼悲鳴相求眷然顧之使我心愁嗟爾昔人

何以忘憂

丹霞蔽日行

丹霞蔽日采虹垂天谷水潺潺木落翩翩孤禽失

羣悲鳴雲間月盈則冲華不再繁古來有之嗟我

何言明帝步出夏門行中八句與此同

煌煌京洛行

天天園桃無子空長虛美難假偏輪不行一解淮陰

五刑鳥盡弓藏保身全名獨有子房大憤不收褒

衣無帶多言寡誠祇令事敗二解蘇秦之說六國以

亡傾側賣主車裂固當賢矣陳軫忠而有謀楚懷

不從禍卒不救解三禍夫吳起智小謀大西河何健

伏尸何劣解四嗟彼郭生古之雅人智矣燕昭可謂

得臣峩峩仲連齊之高士北辭千金東蹈滄海解五

○右一曲
晉樂所奏

釣竿行

東越河濟水遙望大海涯釣竿何珊珊魚尾何筵
筵行路之好者芳餌欲何為

十五

登山而遠望谿谷多所有梗柙千餘尺衆草芝盛
茂華葉耀人目五色難可紀雉雒山雞鳴虎嘯谷
風起號羆當我道狂顧動牙齒

猛虎行

與君媾新歡託配於二儀克列于紫微升降焉可
知梧桐攀鳳翼雲雨散洪池

善哉行

初學記載第一解
題云於講堂作

朝日樂相樂酣飲不知醉悲絃激新聲長笛吐清
氣解一絃歌感人腸四坐皆歡悅寥寥高堂上涼風

入我室解二持滿如不盈有德者能卒君子多苦心

所愁不但一解三慊慊下白屋吐握不可失衆賓飽

滿歸主人苦不悉解四比翼翔雲漢羅者安所羈冲

靜得自然榮華何足爲解五

同前藝文類聚作
銅雀園詩

朝遊高臺觀夕宴華池陰大茵奉甘醪狩人獻嘉

禽解一齊倡發東舞秦箏奏西音有客從南來爲我

彈清琴解二五音紛繁會拊者激微吟淫魚乘波聽

踴躍自浮沉解三飛鳥翻翔舞悲鳴集北林樂極哀

情來寥亮摧肝心解四清角豈不妙德薄所不任大

哉子野言弭絃且自禁五解○右三曲
魏晉樂所奏

折楊柳行藝文作遊仙詩古
樂府作長歌行

西山亦一本
作一何高高高殊無極上有兩仙僮不飲

亦不食與我一丸藥光耀有五色解一服藥四五日

身體生羽翼輕舉乘浮雲倏忽行萬億流覽觀四

海茫茫非所識解二彭祖稱七百悠悠安可原老聃

適西戎于今竟不還王喬假虛辭赤松垂空言解三

達人識真偽愚夫好妄傳追念往古事憤憤千萬

端百家多迂怪聖道我所觀

四解○右一曲
魏晉樂所奏

燕歌行二首

秋風蕭瑟天氣涼草木搖落露為霜羣燕辭歸鴈

南翔念君客遊思斷腸

宋書作
多思腸

慊慊思歸戀故鄉

君何淹留寄他方賤妾筑筑守空房憂來思君不

敢忘不覺淚下沾衣裳援琴鳴絃發清商短歌微

吟不能長明月皎皎照我牀星漢西流夜未央牽

牛織女遙相望爾獨何辜限河梁

晉樂所奏
分七解

別日何易會日難山川悠遠路漫漫鬱陶思君未

敢言寄書

一作
聲

浮雲往不還涕零雨面毀形

一作
容

顏誰能懷憂獨不歎展詩清歌聊自寬樂往哀來

摧心

一作
肺

肝耿耿伏枕不能眠披衣出戶步東西

悲風清厲秋氣寒羅幃徐動經秦軒仰戴

一作
看星

月觀雲間飛鳥

一作
鷓

晨鳴聲可憐留連顧懷不自

一作
能存

晉樂所奏分六解○此首
文互異者並以宋書為正

臨高臺

臨臺行高高以軒下有水清且寒中有黃鵠往且

翻行爲臣當盡忠願今

一作
令

皇帝陛下三千歲

言系 卷之二
宜居此宮 鵠欲南遊雌不能隨我欲躬銜汝口

噤不能開欲負之毛衣摧頽五里一顧六里徘徊

此曲三段辭不相屬鵠欲南遊以下乃古辭飛鵠行也

陌上桑

棄故鄉離室宅遠從軍旅萬里客披荆棘求阡陌
側足獨窘步路局窄虎豹嗥動雞驚禽失羣鳴相
索登南山奈何蹈盤石樹木叢生鬱差錯寢蒿草
蔭松柏涕泣雨面霑枕席伴旅單稍稍日零落惆
悵竊自憐相痛惜

右一曲晉樂所奏

秋胡行

一作佳
人期

朝與佳人期日夕殊不來嘉肴不嘗旨酒停杯寄
言飛鳥告余不能俯折蘭英仰結桂枝佳人不在
結之何爲從爾何所之乃在大海隅靈若道言貽
爾明珠企予望之步立踟躕佳人不來何得斯須

上畱田行

居世一何不同上畱田富人食稻與梁上畱田貧
子食糟與糠上畱田貧賤亦何傷上畱田祿命懸
在蒼天上畱田今爾歎息將欲誰怨上畱田

大牆上蒿行

陽春無不長成草木羣類隨大風起零落若何翩
翩中心獨立一何笑四時舍我驅馳今我隱約欲
何爲人生居天壤間忽如飛鳥棲枯枝我今隱約
欲何爲適君身體所服何不恣君口腹所嘗冬被
貂鼯溫暖夏當服綺羅輕涼行力自苦我將欲何
爲不及君少壯之時乘堅車策肥馬良上有滄浪
之天今我難得久來視下有躑躅之地今我難得
久來履何不恣意遨遊從君所喜帶我寶劍今爾

何爲自低卬悲麗平壯觀白如積雪利如秋霜駁
犀標首玉琢中央帝王所服辟除凶殃御左右奈
何致福祥吳之辟閭越之步光楚之龍泉韓有墨
陽苗山之鋌羊頭之鋼知名前代咸自謂麗且美
曾不知君劍良綺難忘冠青雲之崔嵬織羅爲纓
飾以翠翰旣美且輕表容儀俯仰垂光榮宋之章
甫齊之高冠亦自謂美蓋何足觀排金鋪坐玉堂
風塵不起天氣清涼奏桓瑟舞趙倡女娥長歌聲
協宮商感心動耳蕩氣回腸酌桂酒鱸鯪與佳

人期爲樂康前奉玉卮爲我行觴今日樂不可忘
樂未央爲樂常苦遲歲月逝忽若飛何爲自苦使
我心悲

豔歌何嘗行

宋書作古辭
樂府作文帝

何嘗快獨無憂但當飲醇酒炙肥牛

解一

長兄爲二

千石中兄被貂裘

解二

小弟雖無官爵鞍馬馭馭往

來王侯長者遊

解三

但當在王侯殿上快獨樗蒲六

博對坐彈棋

解四

男兒居世各當努力蹶迫日暮殊

不久畱

解五

少小相觸抵寒苦常相隨忿恚安足諍

吾中道與卿共別離約身奉事君禮節不可虧上
慚滄浪之天下顧黃口小兒奈何復老心皇皇獨
悲誰能知

少小下爲趨前爲豔
○右一曲晉樂所奏

月重輪行

三辰垂光照臨四海煥哉何煌煌悠悠與天地久
長愚見目前聖覩萬年明闇相絕何可勝言

詩

黎陽作二首

朝發鄴城夕宿韓陵霖雨載塗輿人困窮載馳載

言終 卷之二
驅沐雨櫛風舍我高殿何爲泥中在昔周武爰暨
公旦載主南征救民塗炭彼此一時唯天所讚我
獨何人能不靖亂

殷殷其雷濛濛其雨我徒我車涉此艱阻遵彼洹
湄言刈其楚班之中路塗潦是御麟麟大車載低
載昂嗷嗷僕夫載仆載僵蒙塗冒雨沾衣濡裳
千騎隨風靡萬騎正龍驤金鼓震上下千戚紛縱
橫白旄若素霓丹旗發朱光追思太王德胥宇誠
足臧經歷萬歲林行行到黎陽

於譙作

清夜延貴客明燭發高光豐膳漫星陳旨酒盈玉
觴絃歌奏新曲游響拂丹梁餘一作繁音赴迅節慷
慨時激揚獻酬紛交錯雅舞何鏘鏘羅纓從風飛
長劔自低昂穆穆衆君子和合同樂康

孟津

良辰啓初節高會構初學記作極歡娛通天拂景雲俯
臨四達衢羽爵浮象樽珍膳盈豆區清歌發妙曲
樂正奏笙竽曜靈忽西邁炎燭繼望舒翊日浮黃

河長驅旋鄴都

芙蓉池作

乘輦夜行遊逍遙步西園雙渠相漑灌嘉木繞通
川卑枝拂羽蓋修條摩蒼天驚風扶輪轂飛鳥翔
我前丹霞夾明月華星出雲間上天垂光彩五色
一何鮮壽命非松喬誰能得神仙遨遊快心意保
已終百年

於玄武陂作

兄弟共行遊驅車出西城野田廣開闢川渠互相

經黍稷何鬱鬱流波激悲聲菱芡覆綠水芙蓉發
丹榮柳垂重蔭綠向我池邊生乘渚望長洲羣鳥
謹譁鳴萍藻泛濫浮澹澹隨風傾忘憂共容與暢
此千秋情

至廣陵於馬上作

外編云廣陵觀兵

魏志黃初六年十月行幸廣陵故城臨江觀兵戍卒十餘萬旌旗數百里帝於馬上爲詩曰

觀兵臨江水水流何湯湯戈矛成山林玄甲耀日
光猛將懷暴怒膽氣正縱橫誰云江水廣一葦可

詩經 卷之二
以航不戰屈敵虜戢兵稱賢良古公宅岐邑實始
剪殷商孟獻營虎牢鄭人懼稽顙克國務耕殖先
零自破亡興農淮泗間築室都徐方量宜運權略
六軍咸悅康豈如東山詩悠悠多憂傷

雜詩二首

漫漫秋夜長烈烈北風涼展轉不能寐披衣起彷徨
彷徨藝文作彷徨忽已久白露沾我裳俯視清水波仰
看明月光天漢回西流三五正縱橫草蟲鳴何悲
孤鴈獨南翔鬱鬱多悲思綿綿思故鄉願飛安得

翼欲濟河無梁向風長歎息斷絕我中腸
西北有浮雲亭亭如車蓋惜哉時不遇適與飄風
會吹我東南行行至吳會吳會非我鄉安得久
畱滯棄置勿復陳客子常畏人

於明津作

遙遙山上亭皎皎雲間星遠望使心懷遊子戀所
生驅車出北門遙望河陽城古辭長歌行與此同後有六句曰凱風吹

長棘天天枝葉傾黃鳥飛相追咬咬
弄音聲竚立望西河泣下沾羅纓

清河作

方舟戲長水湛澹藝文作澹澹自浮沈絃歌發中流悲

響有餘音一作悲風音聲入君懷悽愴傷人心心

傷安所念但願恩情深願為晨風鳥雙飛翔北林

代劉勲妻王氏雜詩二首

玉臺以為王宋自作今從藝文

作魏文帝

王宋者平虜將軍劉勲妻也入門三十餘年後

勲悅山陽司馬氏女以宋無子出之還于道中

作詩二首

翩翩牀前帳張一作可以蔽光輝昔將爾同去今將

爾同歸緘藏篋笥裏當復何時披

誰言去婦薄去婦情更重千里不唾井況乃昔所

奉遠望未為遙踟躕不得竝

黎陽作

奉辭討罪遐征晨過黎山巉崢東濟黃河金營北

觀故宅頓傾中有高樓亭亭荆棘繞蕃叢生南望

果園青青霜露慘悽宵零彼桑梓兮傷情

寡婦并序

友人阮元瑜早亡傷其妻孤寡為作此詩

言系 卷之二
霜露紛兮交下木葉落兮淒淒候鴈叫兮雲中歸
燕翩兮徘徊妾心感兮惆悵白日急兮西頽守長
夜兮思君一作魂一夕兮九乖悵延佇兮仰視星
月隨兮天迴徒引領兮入房竊自憐兮孤棲願從
君兮終沒愁何可兮久懷

令詩

漢獻帝傳曰太史丞許芝條上魏王代漢圖讖王令曰昔周文王三分天下有其二以服事殷公且履天子之籍聽天下之斷終然復子明辟吾雖德不及二聖吾敢忘高山景行之義哉吾作詩云云庶欲守此辭以自終卒不虛言也

喪亂悠悠過紀白骨從橫萬里哀哀下民靡恃吾
將以時整理復子明辟致仕

闕文

飲馬長城窟行

浮舟橫大江討彼犯荆虜武將齊貫錕征人伐金
鼓長戟十萬隊幽冀百石弩發機石雷電一發連
四五

失題

見藝文
麀部

巾車出鄴宮校獵東橋津重且施密網罕畢飄如

雲鬢弓忽高馳一發連雙麕

見挽船士兄弟辭別詩

舍我故鄉客將適萬里道妻子牽衣袂落淚霑懷抱

甄皇后

塘上行

鄴都故事云魏文帝甄皇后袁紹中子熙之妻也太祖破紹文帝時為太子遂納為夫人生明帝後為郭后所譖賜死後宮臨終為詩今詳其詞氣蓋初見棄在後宮所作非臨終時語也樂府解題曰前志云晉樂奏魏武帝蒲生篇而諸

集錄皆言其詞文帝甄后所作歎以讒訴見棄猶幸得新好不遺故惡焉

蒲生我池中其葉何離離傍能行仁義莫若妾自知衆口鑠黃金使君生別離念君去我時獨愁常苦悲想見君顏色感結傷心脾念君常苦悲夜夜不能寐莫以豪賢故棄捐素所愛莫以魚肉賤棄捐葱與薤莫以麻泉賤棄捐管與蒯出亦復苦愁入亦復苦愁邊地多悲風樹木何翛翛從軍致獨樂延年壽千秋

右一曲本辭

蒲生我池中蒲生我池中其葉何離離傍能行人

言終 卷之二 十五
儀莫能縷自知衆口鑠黃金使君生別離解一念君

去我時念君去我時獨愁常苦悲想見君顏色感

結傷心脾今悉夜夜愁不寐解二莫用豪賢故莫用

豪賢故棄捐素所愛莫用魚肉貴棄捐葱與薤莫

用麻枲賤棄捐管與蒯解三倍恩者苦枯倍恩者苦

枯蹶船常苦沒教君安息定慎莫致倉卒念與君

一共離別亦當何時共坐復相對解四出亦復苦愁

入亦復苦愁邊地多悲風樹木何蕭蕭今日樂相

樂延年壽千秋五解○右一曲晉樂所奏

明帝諱獻文帝子

樂府

短歌行

翩翩春燕端集余堂陰匿陽顯節運自常厥貌淑

美玄衣素裳歸仁服德雌雄頡頏執志精專潔行

馴良銜土繕巢有式宮房不規自圓無矩而方

善哉行

我徂我征伐彼蠻虜練師簡卒爰正其旅輕舟竟

川初鴻依浦桓桓猛毅如羆一作如虎發砲若雷

詩已 卷之二 魏

吐氣如雨旄旌指麾進退應矩百馬齊轡御由造
 父休休六軍咸同斯武兼塗星邁亮茲行阻行行
 日遠西背京許遊弗淹旬遂屆揚土奔寇震懼莫
 敢當御權實豎子備則亡虜假氣游魂魚鳥為伍
 虎臣列將怫鬱克怒淮泗肅清奮揚微所運德耀
 威惟鎮惟撫反旆言歸旆一作告入皇祖宋書樂志
分為八解
無權實豎
子四句

同前四解

赫赫大魏王師徂征冒暑討亂振耀威靈一作解汎舟

黃河隨波潺湲通渠回越行路綿綿二解綵旄蔽日

旗旒翳天淫魚瀟灑遊戲深淵三解唯塘泊樂府
作泊從

如流不為單握揚楚心惆悵歌採薇心綿綿在淮

淝願君速節一作捷早旋歸四解○右二曲
魏晉樂所奏

步出夏門行一曰隴
西行

步出夏門東登首陽山嗟哉夷叔仲尼稱賢君子
 退讓小人爭先惟斯二子于今稱傳林鍾受謝節
 改時遷日月不居誰得久存善哉殊復善絃歌樂
 情一解商風夕起悲彼秋蟬變形易色隨風東西乃

眷西顧雲霧相連丹霞蔽日彩虹帶天弱水潺潺

葉落翩翩孤禽失羣悲鳴其間善哉殊復善悲鳴

在其間二解朝遊清冷日暮嗟歸朝遊止此為豔賦迫日暮

烏鵲南飛繞樹三匝何枝可依卒逢風雨樹折枝

摧雄來驚雌雌獨愁棲夜失羣侶悲鳴徘徊茫茫

荆棘葛生綿綿感彼風人惆悵自憐月盈則冲華

不再繁古來之說嗟哉一言賦迫下為趨

林鍾受謝節改時遷日月不居誰得久存商風夕

起悲彼秋蟬變形易色隨風東西乃眷西顧雲霧

相連丹霞蔽日彩虹帶天谷水潺潺葉落翩翩孤

禽失羣悲鳴其間朝遊清冷日暮嗟歸賦迫日暮

烏鵲南飛繞樹三匝何枝可依卒逢風雨樹折枝

摧雄來驚雌雌獨愁棲夜失羣侶悲鳴徘徊茫茫

荆棘葛生綿綿感彼風人惆悵自憐月盈則冲華

不再繁古來之說嗟哉一言右一曲疑是前篇本辭見選詩外編今按

樂府增六句

月重輪行

天地無窮人命有終立功揚名行之在躬聖賢度

量得爲道中

長歌行

靜夜不能寐耳聽衆禽鳴大城育狐兔高墉多鳥
聲壞宇何寥廓宿屋邪草生中心感時物撫劍下
前庭藝文作攬翔狎於階際景星一何明仰首觀
靈宿北辰奮休榮哀彼失羣燕喪偶獨笑笑單心
誰與侶造房孰與成徒然喟有和悲慘傷人情余
情偏易感懷往增憤盈吐吟音不徹泣涕沾羅纓

苦寒行

悠悠發洛都并我征東行征行彌二旬屯吹龍

宋書

龍作

陂城

解一

顧觀故壘處皇祖之所營屋室若平昔

棟宇無邪傾

解二

奈何我皇祖潛德隱聖形雖沒而

不朽書貴垂伐名

解三

光光我皇祖軒耀同其榮遺

化布四海八表以肅清

解四

雖有吳蜀寇春秋足耀

兵徒悲我皇祖不永享百齡賦詩以寫懷伏軾淚

沾纓

五解○右一曲晉樂所奏每解疊首二句

權歌行

王者布大化配乾稽后祇陽育則陰殺晷景應度

移解一文德以時振武功伐不隨重華舞于戚有苗

服從媯解二蠡爾吳中一作蜀中虜憑江棲山阻哀哉王

士民瞻仰靡依怙解三皇上悼愍斯宿昔奮天怒發

我許昌宮列舟于長浦解四翌日乘波揚棹歌悲且

涼太常拂白日旗幟紛設張解五將抗旄與鉞耀威

於彼方伐罪以弔民清我東南疆將抗下為趨右一曲晉樂所奏

種瓜篇即春遊曲玉臺題云樂府

種瓜東井上冉冉自踰垣與君新為婚瓜葛相結

連寄託不肖軀有如倚太山兔絲無根株蔓延自

登緣萍藻託清流常恐身不全被蒙丘山惠賤妾

執拳拳天日照知之想君亦俱然

燕歌行

白日晼晼忽西傾霜露慘悽塗階庭秋草捲葉摧

枝莖翩翩飛蓬常獨征有似遊子不安寧

詩紀卷之十二終

詩紀卷之十三

魏三

陳思王植

字子建太祖子文帝同母弟也建安

即位命諸侯竝就國黃初二年貶安鄉侯改

封鄆城二年立為鄆城王四年徙封雍丘明

帝太和元年改封浚儀三年復還雍丘三年

徙東阿六年加封陳王薨年四十一諡曰思

○詩品曰植詩源出於國風骨氣竒高詞彩

華茂情兼怨雅體被文質粲溢今古卓爾不
羣嗟乎陳思之于文章也譬人倫之有周孔
鱗羽之有龍鳳音樂之有琴笙女工之有黼
黻俾爾懷鉛吮墨者抱篇章而景慕映餘暉
以自燭故孔氏之門如有詩則公榦升堂思
主入室景陽潘陸自
可坐於廊廡之間矣

樂府

丹霞蔽日行

以下四言

魏文帝詩曰丹霞蔽日采虹垂天明帝步出夏門行亦云

紂為昏亂虐殘

一作殘虐

忠正周室何隆一門三聖牧

野致功天亦革命漢祚之興階秦

一作秦階

之衰雖有

南面王道陵夷炎光再幽殄滅無遺

飛龍篇

晨遊泰山雲霧窈窕忽逢二童顏色鮮好乘彼白鹿手翳芝草我知真人長跪問道西登玉臺金樓

復道授我仙藥神皇所造教我服食還精補腦壽同金石永世難老

薤露行

以下五言

樂府解題曰曹植擬薤露行為天地

天地無窮極陰陽轉相因人居一世間忽若風吹塵願得展功勤輸力於明君懷此王佐才慷慨獨不羣鱗介尊神龍走獸宗麒麟蟲獸猶知德何況於士人孔氏刪詩書王業燦已分騁我徑寸翰流藻垂華芬

惟漢行

魏武帝薤露詩曰惟漢二十世所任誠不良

太極定二儀清濁始以形三光炤八極天道甚著
明爲人立君長欲以遂其生行仁章以瑞變故誠
驕盈神高而聽卑報若響應聲明主敬細微三季
膏天經二皇稱至化盛哉唐虞庭禹湯繼厥德周
亦致太平在昔懷帝京日昃不敢寧濟濟在公朝
萬載馳其名

君子行

文選作古辭子建集亦載

君子防未然不處嫌疑間瓜田不納履李下不正
寇嫂叔不親授長幼不比肩勞謙得其柄和光甚
獨難周公下白屋吐哺不及餐一沐三握髮後世
稱聖賢

鰕鮒篇

一曰鰕鮒鮒篇

樂府解題曰曹植擬長歌行爲鰕鮒

鰕鮒游潢潦不知江海流燕雀戲藩柴安識鴻鵠
遊世士此誠明大德固無儔駕言登五嶽然後小
陵丘俯觀上路入勢利惟是謀讎高念皇家遠懷

柔九州撫劍而雷音猛氣縱橫浮汎泊徒嗷嗷誰
知壯士憂

吁嗟篇

選詩拾遺作
瑟調飛蓬篇

樂府解題曰曹植擬苦寒行爲吁嗟魏
志曰植每欲求別見獨談及時政幸與
試用終不能得時法制待藩國峻迫
植十一年而三徙都常汲汲無歡

吁嗟此轉蓬居世何獨然長土本根逝宿夜無休
閒東西經七陌南北越九阡卒遇回風起吹我入
雲間自謂終天路忽然下沈泉淵一作驚飈接我出
故歸彼中田當南而更北謂東而反西宕宕當何

依忽亡而復存飄颻周八澤連翩歷五山流轉無
恒處誰知我苦艱願爲中林草秋隨野火燔糜滅
豈不痛願與根一作芟連

豫章行二首

樂府解題曰曹植
擬豫章行爲窮達

窮達難豫圖禍福信亦然虞舜不逢堯耕耘處中
田太公未遭文漁釣終一作渭川不見魯孔丘窮
困陳蔡間周公下白屋天下稱其賢

鴛鴦自朋親不若比翼連他人雖同盟骨肉天性

言終 卷之三
然周公穆康叔管蔡則流言子臧讓千乘季札慕其賢

蒲生行浮萍篇

浮萍寄清水隨風東西流結髮辭嚴親來爲君子仇恪勤在朝夕無端獲罪尤在昔蒙恩惠和樂如瑟琴何意今摧頽曠若商與參茱萸自有芳不若桂與蘭新人雖可愛無若故所懽行雲有反期君恩儻中還慊慊仰天歎愁心將何愬日月不恒處人生忽若寓悲風來入懷一作惟淚下如垂露發篴

造裳

一作新

衣裁縫純與素

篴篴引

樂府作野田黃雀行

古今樂錄曰王僧虔技錄有野田黃雀行今不歌樂府解題曰晉樂奏東阿王置酒高殿上然篴篴引亦用此曲

置酒高殿上親友

宋書作交

從我遊中厨辦豐膳烹羊

宰肥牛秦箏何慷慨齊瑟和且柔陽阿奏竒舞京

洛出名謳樂飲過三爵緩帶傾庶羞主稱千金壽

賓奉萬年酬久要不可忘薄終義所尤謙謙君子

德磬折欲何求驚風飄白日光景馳西流盛時不

可再百年忽我道生存華屋處零落歸山丘先民
誰不死知命復何憂

右一曲晉樂所奏分四解

野田黃雀行

高樹多悲風海水揚其波利劍不在掌結友何須
多不見籬間雀見鷄自投羅羅家得雀喜少年見
雀悲拔劍捐羅網黃雀得飛飛飛摩蒼天來下
謝少年

門有萬里客

門有萬里客問君何鄉人褰裳起從之果得心所
親挽裳對我泣太息前自陳本是朔方士今為吳
越民行行將復行去去適西秦

泰山梁甫行

樂府解題曰曹植改泰山梁父為八方

八方各異氣千里殊風雨劇哉邊海民寄身於草
墅妻子象禽獸行止依林阻柴門何蕭條狐兔翔
我宇

怨詩行

明月照高樓流光正徘徊上有愁思婦悲歎有餘

哀一解借問歎者誰自云宕子妻夫行踰十載賤妾

常獨棲二解念君過於渴思君劇於饑君作高山柏

一作妾為濁水泥三解北風行蕭蕭烈烈入吾耳心

中念故人淚墮不能止四解浮沈各異路會合當何

諧願作東北風吹我入君懷五解君懷常不開賤妾

當何依恩情中道絕流止任東西六解我欲竟此曲

此曲悲且長今日樂相樂別後莫相忘七解○右

所奏七哀詩是此篇本辭

怨歌行伎錄樂府解題皆以為古辭文章正宗作曹子建

為君既不易為臣良獨難忠信事不顯乃有音見

疑患周公佐成王金滕功不刊推心輔王室二叔

反流言待罪居東國泣涕常流連皇靈大動變震

雷風且寒拔樹偃秋稼天威不可干素服開金滕

感悟求其端公旦事既顯成王乃哀歎吾欲竟此

曲此曲悲且長今日樂相樂別後莫相忘

鞞舞歌五首本集不載見樂府詩集

序曰漢靈帝西園鼓吹有李堅者能鞞舞遭亂

西隨段熲先帝聞其舊有技召之堅既中廢兼

古曲多謬誤故改作新歌五篇

古今樂錄曰漢曲五篇一曰關

東有賢女二曰章和二年中三曰樂久長四曰四方皇五曰殿前生桂樹並章帝造魏曲五篇一明明魏皇帝二大和有聖帝三魏歷長四天生丞民五為君既不易並明帝造以代漢曲其辭並亡陳思王又有五篇一聖皇篇以當章和二年中二靈芝篇以當殿前生桂樹三大魏篇以當漢吉昌四精微篇以當關中有賢女五孟冬篇以當狡兔按漢曲無漢吉昌狡兔二篇疑樂久長四方皇是也

聖皇篇

聖皇應曆數正康帝道休九州咸賓服威德洞八幽三公奏諸公不得久淹留蕃位任至重舊章咸

率由侍臣省文奏陛下體仁慈沈吟有愛戀不忍聽可之迫有官典憲不得顧恩私諸王當就國璽綬何累縑便時舍外殿宮省寂無人主上增顧念皇母懷苦辛何以為贈賜傾府竭寶珍文錢百億萬采帛若煙雲乘輿服御物錦羅與金銀龍旂垂九旒羽蓋參班輪諸王自計念無功荷厚德思一効筋力糜軀以報國鴻臚擁節衛副使隨經營貴戚竝出送夾道交輜駟車服齊整設鞞曄耀天精武騎衛前後鼓吹簫笳聲祖道魏東門淚下霑冠

纓板蓋因內顧俛仰慕同生行行將日暮何時還
闕庭車輪爲徘徊四馬躊躇鳴路人尚酸鼻何況
骨肉情

靈芝篇

靈芝生王地朱草被洛濱榮華相晃耀光采曄若
神古時有虞舜父母頑且嚚盡孝於田壠烝烝不
違仁伯瑜年七十綵衣以娛親慈母笞不痛歔歔
涕霑巾丁蘭少失母自傷早孤熒刻木當嚴親朝
夕致三牲暴子見陵侮犯罪以亡形丈人爲泣血

免戾全其名董永遭家貧父老財無遺舉假以供
養傭作致甘肥責家填門至不知何用歸天靈感
至德神女爲秉機歲月不安居嗚呼我皇考生我
旣已晚棄我何其早蓼莪誰所興念之令人老退
詠南風詩灑淚滿禕袍亂曰聖皇君四海德教朝
夕宣萬國咸禮讓百姓家肅虔庠序不失儀孝悌
處中田戶有曾閔子比屋皆仁賢髻亂無天齒黃
髮盡其年陛下三萬歲慈母亦復然

大魏篇

大魏應靈符天祿方甫始聖德致泰和神明爲驅
使左右宜供養中殿宜皇子陛下長壽考羣臣拜
賀咸悅喜積善有餘慶寵祿固天常衆喜填門至
臣子蒙福祥無患及陽遂輔翼我聖皇衆吉咸集
會凶邪姦惡竝滅亡黃鵠遊殿前神鼎周四阿玉
馬克乘輿芝蓋樹九華白虎戲西除舍利從辟邪
騏驥躡足舞鳳皇拊翼歌豐年大置酒玉樽列廣
庭樂飲過三爵朱顏暴已形式宴不違禮君臣歌
鹿鳴樂人舞鞀鼓百官雷抃讚若驚儲禮如江海
積善若陵山皇嗣繁且熾孫子列曾玄羣臣咸稱
萬歲陛下長壽樂年御酒停未飲貴戚跪東廂侍
人承顏色奉進金玉觴此酒亦真酒福祿當聖皇
陛下臨軒笑左右咸歡康杯來一何遲羣僚以次
行賞賜累千億百官竝富昌

精微篇

精微爛金石至心動神明杞妻哭死夫梁山爲之
傾子丹西質秦烏白馬角生鄒衍囚燕市繁霜爲
夏零關東有賢女自字蘇來卿壯年報父仇身沒

言紀 卷之三
垂功名女休逢赦書白刃幾在頸俱上列仙籍去
死獨就生大倉令有罪遠徵當就拘自悲居無男
禍至無與俱緹縈痛父言荷擔西上書盤桓北闕
下泣淚何漣如乞得并姊弟沒身贖父軀漢文感
其義肉刑法用除其父得以免辯義在列圖多男
亦何爲一女足成居簡子南渡河津吏廢舟船執
法將加刑女娟擁權前妾父聞君來將涉不測淵
畏懼風波起禱祝祭名川備禮饗神祇爲君求福
先不勝醕祀誠至令犯罰艱君必欲加誅乞使知
罪讐妾願以身代至誠感蒼天國君高其義其父
用赦原河激奏中流簡子知其賢歸聘爲夫人榮
寵超後先辯女解父命何況健少年黃初發和氣
明堂德教施治道致太平禮樂風俗移刑措良無
枉怨女復何爲聖皇長壽考景福常來儀

孟冬篇

孟冬十月陰氣厲清武官誠田講旅統兵元龜襲
吉元光著明蚩尤蹕路風弭雨停乘輿啓行鸞鳴
幽軋虎賁采騎飛象珥鶡鐘鼓鏗鏘簫管嘈喝萬

騎齊鑣千乘等蓋夷山填谷平林滌藪張羅萬里
盡其飛走趨趨狡兔揚白跳翰獵以青骹掩以修
竿韓盧宋鵠呈才騁足噬不盡縹牽麋倚鹿魏氏
發機養基撫弦都盧尋高搜索猴猿慶忌孟賁蹈
谷超巒張目決背髮怒穿冠頓熊扼虎蹴豹搏貍
氣有餘勢負象而趨獲車旣盈日側樂終罷役解
徒大饗離宮亂曰聖皇臨飛軒論功校獵徒死禽
積如京流血成溝渠明詔大勞賜大官供有無走
馬行酒醴驅車布肉魚鳴鼓舉觴爵擊鍾醕無餘
絕網一作網縱麟虺弛罩出鳳雛收功在羽校威靈
振鬼區陛下長懽樂永世合天符

當欲游南山行

東海廣且深由卑下百川五嶽雖高大不逆垢與
塵良木不十圍洪條無所因長者能博愛天下寄
其身大匠無棄材船車用不均錐刀各異能何所
獨卻前嘉善而矜愚大聖亦同然仁者各壽考四
坐咸萬年

名都篇

歌錄曰名都美女白馬並齊瑟行也皆以首句名篇

名都多妖女京洛出少年寶劍直千金被服麗且鮮
鮮鬪雞東郊道走馬長楸間馳騁未能半雙兔過
我前攬弓捷鳴鏑長驅上南山左挽因右發一縱
兩禽連餘巧未及展仰手接飛鳶觀者咸稱善衆
工歸我妍歸來宴平樂美酒斗十千膾鯉膾胎鰕
炮鼈炙熊蹯鳴儔嘯匹侶列坐竟長筵連翩擊鞠
壤巧捷惟萬端白日西南馳光景不可攀雲散還
城邑清晨復來還

美女篇

美女妖且閑採桑岐路間柔條紛冉冉落葉何翩翩
攘袖見素手皓腕約金環頭上金爵釵腰佩翠
琅玕明珠交玉體珊瑚間木難羅衣何飄颻輕車
隨風還顧盼遺光彩長嘯氣若蘭行徒用息駕休
者以忘餐借問女安居乃在城南端青樓臨大路
高門結重關容華耀朝日誰不希令顏媒氏何所
營玉帛不時安佳人慕高義求賢良獨難衆人徒
嗷嗷安知彼所觀盛年處房室中夜起長歎

白馬篇

白馬飾金羈連翩西北馳借問誰家子幽并游俠
 兒少小去鄉邑揚聲沙漠垂宿昔秉良弓楛矢何
 參差控弦破左的右發摧月支仰手接飛猱俯身
 散馬蹄狡捷過猴猿勇剽若豹螭邊城多警急胡
 虜一作虜騎數遷移羽檄從北來厲馬登高隄長驅蹈
 匈奴左顧陵鮮卑棄身鋒刃端性命安可懷父母
 且不顧何言子與妻名編五臣作在壯士籍不得中顧
 私捐軀赴國難視死忽如歸

升天行二首

乘躋追術士遠之蓬萊山靈液飛素波蘭桂上參
 天玄豹游其下翔鷗戲其巔乘風忽登舉彷彿見
 衆仙
 扶桑之所出乃在朝陽谿中心陵蒼昊布葉蓋天
 涯日出登東幹既夕沒西枝願得紆陽轡迴日使
 東馳

五遊篇

九州不足步願得凌雲翔逍遙八紘外游目歷遐

荒披我丹霞衣襲我素霓裳華蓋芬晻藹六龍仰
天驤曜靈未移景倏忽造昊蒼閭闔啓丹扉雙闕
曜朱光徘徊文昌殿登陟太微堂上帝休西櫺羣
后集東廂帶我瓊瑤佩漱我沆瀣漿踟躕玩靈芝
徙倚弄華芳王子奉仙藥羨門進竒方服食享遐
紀延壽保無疆

遠遊篇

遠遊臨四海俯仰觀洪波大魚若曲陵承浪相經
過靈鼈戴方丈神嶽儼嵯峨仙人翔其隅玉女戲
其阿瓊葢可療饑仰首吸朝霞崑崙本吾宅中州
非我家將歸謁東父一舉超流沙鼓翼舞時風長
嘯激清歌金石固易敝日月同光華齊年與天地
萬乘安足多

仙人篇

仙人攬六著對博太山隅湘娥拊琴瑟秦女吹笙
竽玉樽盈桂酒河伯獻神魚四海一何局九州安
所如韓終與王喬要我於天衢萬里不足步輕舉
凌太虛飛騰踰景雲高風吹我軀迴駕觀紫微與

帝合靈符閭闔自嵯峨雙闕萬丈餘玉樹扶道生
 白虎夾門樞驅風游四海東過王母廬俯觀五嶽
 間人生如寄居潛光養羽翼進趨且徐徐不見軒
 轅氏乘一作龍出鼎湖徘徊九天上與爾長相須

鬪雞篇

遊目極妙伎清聽厭宮商主人寂無爲衆賓進樂
 方長筵坐戲客鬪雞閒觀樂府作觀閒房羣雄正翕赫
 雙翅自飛揚揮羽激樂府作邀清風博樂府作悍目發朱光
 觜落輕毛散嚴距往往傷長鳴入青雲扇翼獨翺

翔願蒙狸膏助常得擅此場

盤石篇

盤盤山巔石飄飄澗底蓬我本太山人何爲客淮
 東蒹葭彌斥土林木無分重圻巖苦崩缺湖水何
 洶洶蚌蛤被濱涯光彩如錦虹高彼凌雲霄浮氣
 象離龍鯨脊若丘陵鬚若山上松呼吸吞船櫂澎
 濤戲中鴻方舟尋高價珍寶麗以通一舉必千里
 乘颶舉帆幢經危履險阻未知命所鍾常恐沈黃
 壚下與鼃鼈同南極蒼梧野游盼窮九江中夜指

言終
卷之三
參辰欲師當定從仰天長太息思想懷故邦乘桴
何所志吁嗟一作我孔公嗟一作

驅車篇

驅車揮

一作

駑馬東到奉高城神哉彼泰山五嶽

專其名隆高貫雲霓嵯峨出太清周流二六埃間
置十二亭上有湧醴泉玉石揚華英東北望吳野
西眺觀日精魂神所繫屬逝者感斯征王者以歸
天效厥元功成歷代無不遵禮記有品程探策或
長短唯德享利貞封者七十帝軒皇元獨靈餐霞
漱沆瀣毛羽被身形發舉蹈虛廓徑庭升窈冥同
壽東父年曠代永長生

種葛篇

種葛南山下葛藟自成陰與君初婚時結髮恩義
深懽愛在枕席宿昔同衾竊慕棠棣篇好樂和
瑟琴行年將晚暮佳人懷異心恩紀曠不接我情
遂抑沈出門當何顧徘徊步北林下有交頸獸仰
見雙棲禽攀枝長歎息淚下沾羅襟良馬知我悲
延頸代我吟昔爲同池魚今爲玉臺商與參作若往古

言終
皆歡遇我獨困於今棄置委天命悠悠安可任

棄婦篇

本集不載見
玉臺新詠

石榴植前庭綠葉搖縹青丹華灼烈烈璀璨彩有光
榮光榮曄流離可以處淑靈有鳥飛來集拊翼以
悲鳴悲鳴夫何爲丹華實不成拊心長歎息無子
當歸寧有子月經天無子若流星天月相終始流
星沒無精棲遲失所宜下與瓦石并憂懷從中來
歎息通雞鳴反側不能寐逍遙於前庭踟躕還入
房蕭蕭帷幕聲牽帷更攝帶撫絃彈鳴箏慷慨有
餘音要妙悲且清收淚長歎息何以負神靈招搖
待霜露何必春夏成晚穫爲良實願君且安寧

妾薄命二首

攜玉手喜同車北上雲閣飛除釣臺蹇產清虛池
塘觀一作靈沼可娛仰泛龍舟綠波俯擢神草枝柯
想彼宓妃洛河退詠漢女湘娥

日月旣逝

藝文作日
旣逝矣

西藏更會蘭室洞房華燈步

障舒光

玉臺作花燭
步帳輝煌

皎若日出扶桑促樽合坐行

觴主人起舞盜盤能者穴觸別端騰觚飛爵闌干

同量等色齊顏任意交屬所歡朱顏發外形蘭袖
隨禮容極情妙舞僊僊體輕裳解履遺絕纓俛仰
笑喧無呈覽持佳人玉顏齊舉玉臺作接金爵翠盤手
形羅袖良難腕弱不勝珠環坐者歎息舒顏御巾
裏粉君傍中有霍納都梁雞舌五味雜香進者何
人齊姜恩重愛深難忘召延親好宴私但歌杯來
何遲客賦既醉言歸主人稱露未晞

平陵東以下雜言

閶闔開天衢通被我羽衣乘飛龍乘飛龍與仙期

東上蓬萊採靈芝靈芝採之可服食年若一作與王

父無終極

當來日大難

樂府解題曰曹植擬善哉行爲日苦短

日苦短樂有餘乃置玉樽辦東厨廣情故心相於
闔門置酒和樂欣欣遊馬後來轅車解輪今日同
堂出門異鄉別易會難各盡杯觴

桂之樹行

桂之樹桂之樹桂生一何麗佳揚朱華而翠葉流

言終
卷之三
芳布天涯上有棲鸞下有盤螭桂之樹得道之真人咸來會講仙教爾服食日精要道甚省不煩淡泊無爲自然乘躋萬里之外去畱隨意所欲存高高上際於衆外下下乃窮極地天

當牆欲高行

龍欲升天須浮雲人之仕進待中人衆口可以鑠金讒言三至慈母不親憤憤俗間不辯僞真願欲披心自說陳君門以九重道遠河無津

當事君行

人生有所貴尚出門各異情朱紫更相奪色雅鄭異音聲好惡隨所愛憎追舉逐聲樂府作虛名百心可事一君巧詐寧拙誠

當車以駕行

歡坐玉殿會諸貴客侍者行觴主人離席顧視東西廂絲竹與鞞鐸不醉無歸來明燈以繼夕

苦思行

綠蘿緣玉樹光耀粲相輝下有兩真人舉翅翻高飛我心何踴躍思欲攀雲追鬱鬱西嶽巔石室青

言紀 卷之三
恣與天連中有耆年一隱士鬚髮皆皓然策杖從
我遊教我莫忘言

人生卷之十三 終

詩紀卷之十四

魏四

陳思王植

詩

上責躬詩

魏志曰黃初四年植朝
京都上疏并獻詩二首

於穆顯考時惟武皇受命于天寧濟四方朱旗所
拂九土披攘玄化滂流荒服來王超商越周與唐
比蹤篤生我皇奕世載聰武則肅烈文則時雍受

禪于魏志作炎漢君臨萬邦萬邦既化率由舊則廣命

懿親以藩王國帝曰爾侯君茲青土奄有海濱方

周于魯車服有輝旗章有敘濟濟雋又我弼我輔

伊予小子恃寵驕盈舉挂時網動亂國經作藩作

屏先軌是隳傲我皇使犯我朝儀國有典刑我削

我紕集作黜將寘于理元兇是率明明天子時惟篤

類一作時篤同類不忍我刑暴之朝肆違彼執憲哀予小

臣一作子改封兗邑于河之濱股肱弗置有君無臣

荒淫之闕誰弼予身笑笑僕夫于彼冀方嗟予小

子乃罹斯殃赫赫天子恩不遺物冠我玄冕要我

朱紱光光大一作天使我榮我華剖符授玉一作王

爵是加仰齒金璽俯執聖策皇恩過隆祇承休惕

咨我小子頑兇是嬰逝慙陵墓存愧闕庭匪敢傲

德實恩是恃威靈改加足以沒齒昊天罔極生魏志

作性命不圖常懼顛沛抱罪黃墟願蒙矢石建旗東

嶽庶立毫釐微功自贖危軀授命知足免戾甘赴

江湘奮戈吳越天啓其衷得會京畿遲奉聖顏如

渴如饑心之云慕愴矣其悲天高聽卑皇冑照微

言系
卷之四
應詔詩

肅承明詔應會皇都星陳夙駕秣馬脂車命彼掌
徒肅我征旅朝發鸞臺夕宿蘭渚茫茫原隰祁祁
士女經彼公田樂我稷黍爰有樛木重陰匪息雖
有餽糧饑不遑食望城不過面邑不游僕夫警策
平路是由玄駟藹藹揚鑣漂沫流風翼衡輕雲承
蓋涉澗之濱緣山之隈遵彼河滸黃坂是階西躋
關谷或降或升駢駟倦路載寢載興將朝聖皇匪
敢晏寧弭節長驚指日遄征前驅舉燧後乘抗旌
輪不輟運鑿無廢聲爰暨帝室稅此西墉嘉詔未
賜朝覲莫從仰瞻城闕俯惟闕庭長懷永慕憂心
如醒

朔風詩 五章

仰彼朔風用懷魏都願騁代馬倏忽北徂凱風永
至思彼蠻方願隨越鳥翻飛南翔

四氣代謝懸景運周別如俯仰脫若三秋昔我初
遷朱華未晞今我旋止素雪云飛

俯降千仞仰登天阻風飄蓬飛載離寒暑千仞易

詩經 卷之四
陟天阻可越昔我同袍今永乖別

子好芳草豈忘爾貽繁華將茂秋霜悴之君不垂

眷豈云其誠秋蘭可喻桂樹冬榮

絃歌蕩思誰與銷憂臨川慕思何為去聲泛舟豈無

和樂游非我隣誰忘泛舟愧無榜音迸 又音謗人

矯志詩

芝桂雖芳今本作芳 樹雖香難以餌烹尸位素餐難以成

名磁石引鐵於金不連大朝舉士愚不聞焉抱壁

塗乞無為貴寶履仁邁禍無為貴道駕雛遠害不

羞卑棲靈虬避難不恥污泥都蔗雖甘杖之必折

巧言雖美用之必滅濟濟唐朝萬邦作孚關逢蒙

雖巧必得良弓聖藝文作賢主雖知必得藝文作亦待英雄

螳螂見歎齊士輕戰越王軾蛙國以死獻道遠知

驥世偽知賢覆之疇之順天之矩澤如凱風惠如

時雨口為禁闔舌為發機門機之闔楛矢不追

元會詩

晉禮志漢儀有正會禮正旦受賀公侯以下執贄來庭二千石以上升殿稱歲

後作樂燕饗魏帝都鄴正會文昌殿用漢儀

初歲元祚吉日惟良乃為嘉會宴此高堂衣裳鮮

潔黼黻玄黃珍膳雜遯克溢圓方俯視文軒仰瞻

華梁願保茲善一作喜千載為常歡笑盡娛樂哉未

央皇室一作家榮貴壽考無疆

閨情

有美一人被服纖羅妖姿艷麗芬若春華紅顏韡

曄雲髻嵯峨彈琴撫節為我絃歌清濁齊均既亮

且和取樂今日遑恤其他

公宴詩

公子敬愛客終宴不知疲清夜遊西園飛蓋相追

隨明月澄清影列宿正參差秋蘭被長坂朱華冒

綠池潛魚躍清波好鳥鳴高枝神飈接丹轂輕輦

隨風移飄飄放志意千秋長若斯

侍太子坐

白日曜青春時雨靜飛塵寒冰辟炎景一作氣涼風

飄我身清醴盈金觴餽饌縱橫陳齊人進奇一作嘉

樂歌者出西秦翩翩我公子機巧忽若神

贈徐幹

驚風飄白日忽然歸西山圓景光未滿衆星燦以
 繁志士營世業小人亦不閒聊且夜行游游彼雙
 闕問文昌鬱雲興迎風高中天春鳩鳴飛棟流焱
 激樞軒顧念蓬室士貧賤誠足憐薇藿弗克虛皮
 褐猶不全慷慨有悲心興文自成篇寶棄怨何人
 和氏有其愆彈冠俟知己知己誰不然良田無晚
 歲膏澤多豐年亮懷璠璣美積久德愈宣親交義
 在敦申章復何言

贈丁儀

集云與都亭侯丁翼今云儀誤也
 魏略曰丁儀字正禮太祖辟為掾

初秋涼氣發庭樹微銷落凝霜依玉除清風飄飛
 閣朝雲不歸山霖雨成川澤黍稷委疇隴農夫安
 所穫在貴多忘賤為恩誰能博狐白足禦冬焉念
 無衣客思慕延陵子寶劍非所惜子其寧爾心親
 交義不薄

贈王粲

端坐苦愁思攬衣起西游樹木發春華清池激長
 流中有孤鴛鴦哀鳴求匹儔我願執此鳥惜哉無

言終
卷之四
輕舟欲歸忘故道顧望但懷愁悲風鳴我側義和
逝不畱重陰潤萬物何懼澤不周誰令君多念自
使懷百憂

又贈丁儀王粲

從軍度函谷驅馬過西京山岑高無極涇渭揚濁
清壯哉帝王居住麗殊百城員闕出浮承露槩
泰清皇佐揚天惠四海無交兵權家雖交勝全國
爲令名君子在末位不能歌德聲丁生怨在朝王
子歡自營歡怨非貞則中和誠可經

贈丁翼

文士傳曰翼字敬禮儀
之弟也爲黃門侍郎

嘉賓填城闕豐膳出中厨吾與二三子曲宴此城
隅秦箏發西氣齊瑟揚東謳肴來不虛歸觴至反
無餘我豈狎異人朋友與我俱大國多良材譬海
出明珠君子義休倚小人德無儲積善有餘慶榮
枯立可須滔蕩固大節時俗多所拘君子通大道
無願爲世儒

贈白馬王彪

七章

序曰黃初四年正月白馬王任城王與余俱朝
 京師會節氣到洛陽任城王薨至七月與白馬
 王還國後有司以二王歸蕃道路宜異宿止意
 毒恨之盖以大別在數日是用自剖與王辭焉
 憤而成篇魏志曰楚王彪字朱虎武帝子也初封白馬王後徙封楚集曰於圈城作
 謁帝承明廬逝將歸舊疆清晨發皇邑日夕過首
 陽伊洛廣一作曠且深欲濟川無梁汎舟越洪濤怨
 彼東路長顧瞻戀城闕引領情內傷
 太谷何寥廓山樹鬱蒼蒼霖雨泥我塗流潦浩縱

橫中達絕無軌改轍登高岡修坂造雲日我馬玄
 以黃

玄黃猶能進我思鬱以紆鬱紆將何念今本作難進親

愛在離居本圖相與偕中更不克俱鴟梟鳴衡軌
 豺狼當路衢蒼蠅間白黑讒巧反今本作親踈欲還

絕無蹊攬轡止踟躕

踟躕亦何畱相思無終極秋風發微涼寒蟬鳴我
 側原野何蕭條白日忽西匿歸鳥赴喬林翩翩厲
 羽翼孤獸走索羣銜草不遑食感物傷我懷撫心

言終
卷之四
長太魏志息作歎

太息將何爲天命與我違奈何念同生一往形不
歸孤魂翔故域靈柩寄京師存者忽復一作過亡
沒身自衰人生處一世去若朝露晞年在桑榆間
影響不能追自顧非金石咄志作咄心悲
心悲動我神棄置莫復陳丈夫志四海萬里猶比
隣恩愛苟不虧在遠分日親何必同衾幃然後展
殷勤憂思成疾疢無乃兒女仁倉卒骨肉情能不
懷苦辛

苦辛何慮思天命信可疑虛無求列仙松子久吾
欺變故在斯須百年誰能持離別永無會執手將
何時王其愛玉體俱享黃髮期收淚卽長路志作
援筆從此辭塗

送應氏詩二首

步登北邙阪遙望洛陽山洛陽何寂寞宮室盡燒
焚垣牆皆頓擗荆棘上參天不見舊耆老但覩新
少年側足無行徑荒疇不復田游子久不歸不識
陌與阡中野何蕭條千里無人煙念我平常居一作

平生親氣結不能言

清時難屢得嘉會不可常天地無終極人命若朝
霜願得展嫵婉我友之朔方親昵竝集送置酒此
河陽中饋豈獨薄賓飲不盡觴愛至望苦深豈不
愧中腸山川阻且遠別促會日長願為比翼鳥施
翮高起翔

三良詩

功名不可為忠義我所安秦穆先下世三臣皆自
殘生時等榮樂既沒同憂患誰言捐軀易殺身誠
獨難攬涕登君墓臨穴仰天歎長夜何冥冥一往
不復還黃鳥為悲鳴哀哉傷肺肝

遊仙詩

人生不滿百戚戚一作歲歲少歡娛意欲奮六翮排霧
凌紫虛蟬蛻同松喬翻跡登鼎湖翱翔九天上騁
轡遠行遊東觀扶桑曜西臨弱水流北極玄天一作
登渚南翔陟丹丘

雜詩七首

高臺多悲風朝日照北林之子在萬里江湖迥且

詩經 卷之四
深方舟安可極離思故難任孤鴈飛南游過庭長
哀吟翹思慕遠人願欲托遺音形影忽不見翩翩
傷我心

轉蓬離本根飄飄隨長風何意迴颺舉吹我入雲
中高高上無極天路安可窮類此游客一作流宕子捐

軀遠從戎毛褐不掩形薇藿常不克去去莫復道
沈憂令人老

西北有織婦綺縞何繽紛明晨秉機杼日昃不成
文太息終長夜悲嘯入青雲妾身守空閨良人行

從軍自期三年歸今已歷九春飛

玉臺作孤

鳥遶樹翔

噉噉鳴索羣願爲南流景馳光見我君

南國有佳人容華若桃李朝游江北岸夕宿瀟湘

沚時俗薄朱顏誰爲發皓齒俛

一作俯

仰歲將暮榮

耀難久恃

僕夫早嚴駕吾將遠行游遠游欲何之吳國爲我
仇將騁萬里途東路安足由江介多悲風淮泗馳
急流願欲一輕濟惜哉無方舟閒居非吾志甘心

赴國憂

詩經

卷之四

十一

飛觀百餘尺臨牖御櫺軒遠望周千里朝夕見平原
烈士多悲心小人媮自閒國讎亮不塞甘心思
喪元拊劔西南望思欲赴太山絃急悲聲發聆我
慷慨言

攬衣出中閨逍遙步兩楹閒房何寂寞綠草被堦

庭空室

一作穴

自生風百鳥翩南征春思安可忘憂

戚與我并佳人在遠道妾身單且煢歡會難再遇
芝蘭不重榮人皆棄舊愛君豈若平生寄松為女
蘿依水如浮萍齋身奉衿帶朝夕不墮傾儻終顧

盼恩

一作儻能終顧盼

永副我中情

七哀詩

玉臺作雜詩樂府作怨歌行本辭

明月照高樓流光正徘徊上有愁思婦悲歎有餘
哀借問歎者誰言是宓子妻君行踰十年孤妾常
獨棲君若清路塵妾若濁水泥浮沈各異勢會合
何時諧願為西南風長逝入君懷君懷良不開賤
妾當何依

情詩

玉臺作雜詩

微陰翳陽景清風飄我衣遊魚潛綠水翔鳥薄天

言終
卷之四
十三
飛眇眇客行士遙役不得歸始出嚴霜結今來白露晞遊子歎忝離處者歌式微慷慨對嘉賓悽愴內傷悲

喜雨詩

天覆何彌廣苞育此羣生棄之必焦悴惠之則滋榮慶雲從北來鬱述西南征時雨中夜降長雷周我庭嘉種盈膏壤登秋畢有成

失題

見藝文
鶴部

雙鶴俱遨遊相失東海傍雄飛竄北朔雌驚赴南

湘棄我交頸歡離別各異方不惜萬里道但恐天網張

七步詩

本集
不載

世說新語曰文帝嘗令東阿王七步中作詩不成者行大法應聲便為詩云云

帝有
慙色

煮豆持作羹漉豉以為汁其在釜中然豆在釜中泣本是同根生相煎何太急

生相煎
何太急

一作煮豆燃豆其豆在釜中泣本是同根

離友詩二首

并序

鄉人有夏侯威者少有成人之風余尚其為人
與之昵好王師振旅送余於魏邦心有眷然為
之隕涕乃作離友之詩其辭曰

王旅遊兮背故鄉彼君子兮篤人綱媵余行兮歸

朔方馳原隰兮尋舊疆車一作我車載奔兮馬繁驤涉

浮濟兮泛輕航迄魏都兮息蘭房展宴好兮惟樂

康

涼風肅兮白露滋木感氣兮條葉辭臨淥水兮登

重基折秋華兮采靈芝尋永歸兮贈所思感離隔

今會無期伊鬱悒兮情不怡

本集止載前一首今考藝文附入○初學

記載二句云日匿景今天微陰經
迥路今造北林當別有一首也

闕文

妬詩

嗟爾同衾曾不是志寧彼冶容安此妬忌

鬪體詩

牢落冥寞與道相駢隱然長寢其樂無踰

艷歌

出自薊北門遙望胡池桑枝枝自相值葉葉自相

當

樂府

墨出青松煙筆出狡兔翰古人感鳥跡文字有改

判

芙蓉池

逍遙芙蓉池翩翩戲輕舟南楊棲雙鵠北柳有鳴

鳩

言志

慶雲未時興雲龍潛作魚神鸞失其儔還從燕雀

居

雜詩

悠悠遠行客去家千餘里出亦無所之入亦無所
止浮雲翳日光悲風動地起

詩紀卷之十四

終

詩紀卷之十五

魏五

王粲

字仲宣山陽高平人有異才漢獻帝西遷因徙居長安後之荆州依劉表表卒曹操辟為丞相掾賜爵關内侯拜侍中建安二十二年卒○詩品曰粲詩其源出於李陵發愀愴之詞文秀而質羸在曹劉間別構一體方陳思不足比魏文有餘

樂府

太廟頌

建安十八年曹操為魏公加九錫始立宗廟令粲作此頌以享其先始名曰顯廟頌後人更今名

言終 卷之五
思皇烈祖時邁其德肇啓洪源貽燕我則我休厥
成聿先厥道丕顯丕欽允時祖考

綏庶邦和四字九功備彝樂序建崇牙設璧羽六
佾奏八音舉昭大孝衍妣祖念武功收純祐

於穆清廟翼翼休徵祁祁髦士厥德允升懷想成
位咸犇在宮無思不若允觀厥崇

俞兒舞歌四首

晉書樂志曰巴渝舞漢高帝所作也高
帝自蜀漢將定三秦閬中范因率賓人
從帝為前鋒及定秦中封因為閬中侯
其俗善歌舞高帝樂其猛銳數觀其舞

曰武王伐紂歌也後使樂人習之閬中
有渝水因其所居故曰巴渝舞舞曲有
矛渝弩渝安臺行辭宋書樂志曰魏渝
兒舞歌四篇魏國初建所用使王粲改
創其辭為矛俞弩俞安臺行辭新福歌
曲行辭以述魏德後於太祖廟並歌之

矛俞新福歌

漢初建國家匡九州蠻荆震服五刃三革休安不
忘備武樂修宴我賓師敬用御天永樂無憂子孫
受百福常與松喬遊烝庶德莫不咸歡柔

弩俞新福歌

材官選士劔弩錯陳應桴蹈節俯仰若神綏我武

言終
卷之五
烈篤我淳仁自東自西莫不來賓

安臺新福歌

武宋書作我

功既定庶士咸綏樂陳我廣庭式宴賓與

師昭文德宣武威平九有撫民黎荷天寵延壽尸

千載莫我違

行辭新福歌

神武用師士素厲仁恩廣覆猛節橫逝自古立功

莫我弘大桓桓征四國爰及海裔漢國保長慶垂

祚延萬世

詩

贈蔡子篤詩

蔡睦字子篤為尚書仲宣與之同避難荆州子篤還仲宣作此贈之

翼翼飛鸞載飛載東我友云徂言戾舊邦舫舟翩

翩以泝大江蔚矣荒塗時行靡通慨我懷慕君子

所同悠悠世路亂離多阻濟岱江行邈焉異處風

流雲散一別如雨人生實難願其弗與瞻望遐路

允企伊佇烈烈冬日肅肅淒風潛鱗在淵歸鴈在

軒苟非鴻鵬孰能飛翻雖則追慕予思罔宣瞻望

東路慘愴增歎率彼江流爰逝靡期君子信誓不
遷于時及子同寮生死固之何以贈行言授斯詩
中心孔悼涕淚漣洏嗟爾君子如何勿思

贈士孫文始

三輔決錄注曰士孫萌字文始少有才
學年十五能屬文初董卓之誅也萌父
瑞知王允必敗京師不可居乃命萌將
家屬至荊州依劉表去無幾果為李傕
等所殺及天子都許昌追論誅董卓之
功封萌為澹津亭侯與山陽王粲善萌
當就國祭作
詩以贈萌

天降喪亂靡國不夷我暨我友自彼京師宗守盪

失越用遁違遷于荆楚在漳之湄在漳之湄亦克
晏處和通篋墳比德車輔既度禮義卒獲笑語庶
茲永日無訾厥緒雖曰無訾時不我已同心離事
乃有逝止橫此大江淹彼南汜我思弗及載坐載
起惟彼南汜君子居之悠悠我心薄言慕之人亦
有言靡日不思矧伊嬾婉胡不悽而晨風夕逝託
與之期瞻仰王室慨其永歎良人在外誰佐天官
四國方阻俾爾歸藩爾之歸藩作式下國無曰蠻
裔不虔汝德慎爾所主率由嘉則龍雖勿用志亦

言終 卷之五 四
靡忒悠悠澹澹鬱彼唐林雖則同域邈其迥深白
駒遠志古人所箴允矣君子不遐厥心旣往旣來
無密爾音

贈文叔良

搜神記曰文穎字叔良南陽人爲荊州從事

翩翩者鴻率彼江濱君子于征爰聘西隣臨此洪
渚伊思梁岷爾行孔邈如何勿勤君子敬始慎爾
所主謀言必賢錯說申輔延陵有作僑盼是與先
民遺跡來世之矩旣慎爾主亦迺知幾探情以華

覩著知微視明聽聰靡事不惟董褐荷名胡寧不
師衆不可蓋無尚我言梧宮致辯齊楚構患成功
有要在衆思歡人之多忌掩之實難瞻彼黑水滔
滔其流江漢有卷允來厥休二邦若否職汝之由
緬彼行人鮮克弗畱尚哉君子異于他仇人誰不
勤無厚我憂惟詩作贈敢詠在舟

思親詩

爲潘文則作

摯虞文章流別云王粲所與蔡子篤及文叔良士孫文始楊德祖詩及爲潘文則作思親詩其文當而整皆近乎雅矣贈楊修詩今亡

言
穆穆顯

初學記
作皇

妣德音徽止思齊先姑志侔姜妣

躬此勞瘁鞠予小子小子之生遭世罔寧烈考勤
時從之于征奄遘不造殷憂是嬰咨于靡及退守
祧祊五服荒離四國分爭禍難斯逼救死於頸嗟
我懷歸弗克弗逞聖善獨勞莫慰其情春秋代逝
于茲九齡緬彼行路焉託予誠予誠既否委之于
天庶我顯一作剛妣克保遐年疊疊惟懼心乎如懸
如何不弔早世徂顛於存弗養於後弗臨遺愆在
體慘痛切心形景尸立魂爽飛沈在昔蓼莪哀有

餘音我之此譬憂其獨深胡寧視息以濟于今巖
巖叢險則不可摧仰瞻歸雲俯聆飄回飛焉靡翼
超焉靡階思若流波清似坻頽詩之作矣情以告
哀

公讌詩

昊天降豐澤百卉挺葳蕤涼風撤蒸暑清雲却炎
暉高會君子堂竝坐蔭華榭嘉肴克圓方旨酒盈
金壘管絃發徽音曲度清且悲合坐同所樂但愬
栝行遲常聞詩人語不醉且無歸今日不極歡含

言終 卷之五 七
情欲待誰見眷良不翅守分豈能違古人有遺言
君子福所綏願我賢主人與天享巍巍克符周公
業奕世不可追

從軍詩五首

樂府作
從軍行

魏志曰建安三十年二月公西征張魯
魯及五子降十二月至自南鄭是行也
侍中王粲作五
言詩以美其事

從軍有苦樂但問所從誰所從神且武焉得久勞
師相公征關右赫怒震天威一舉滅獯虜再舉服
羌夷西收邊地賊忽若俯拾遺陳賞越丘山酒肉

踰川坻軍中多沃饒人馬皆溢肥徒行兼乘還空
出有餘資拓地三千里往返一如飛歌舞入鄴城
所願獲無違晝日處大朝日暮薄言歸外叅時明
政內不廢家私禽獸憚爲犧良苗實已揮竊慕負
鼎翁願厲朽鈍姿不能效沮溺相隨把鋤犁熟覽
夫子詩信知所言非

涼風厲秋節司典告詳刑我君順時發桓桓東南
征汎舟蓋長川陳卒被隰垆征夫懷親戚誰能無
戀情拊衿倚舟檣眷眷思鄴城哀彼東山人喟然

感鶴鳴日月不安處人誰獲恒善作常寧昔人從公

旦一徂輒三齡今我神武師暫往必速平棄余親

睦恩輸力竭忠貞懼無一夫用報我素餐誠夙夜

自併普庚反性思逝若抽縈將秉先登羽豈敢聽金

聲建安二十二年粲從曹公征吳此下四首蓋征吳作也

從軍征遐路討彼東南夷方舟順廣川薄暮未安

坻白日半西山桑梓有餘暉蟋蟀夾岸鳴孤鳥翩

翩飛征夫心多懷悽善本作惻愴令吾悲下船登高防

草露霑我衣迴身赴牀寢此愁當告誰身服干戈

事豈得念所私卽戎有授命茲理不可違

朝發鄴都橋暮濟白馬津逍遙河隄上左右望我

軍連舫踰萬艘帶甲千萬人率彼東南路將定一

舉勲籌策運帷幄一由我聖君恨我無時謀譬諸

具官臣鞠躬中堅內微畫無所陳許歷為完士一

言猶善作獨敗秦我有素餐責誠愧伐檀人雖無鉛

刀用庶幾奮薄身

悠悠涉荒路靡靡我心愁四望無煙火但見林與

丘城郭生榛棘蹊徑無所由桓蒲竟廣澤葭葦

夾長流日夕涼風發翩翩漂吾舟寒蟬在樹鳴鶴
鵠摩天游客子多悲傷淚下不可收朝入譙郡界
曠然消人憂雞鳴達四境黍稷盈原疇館宅克廩
里士女滿莊馘五臣作馘音仇自非賢聖國誰能享斯休
詩人美樂土雖客猶願畱

詠史詩

自古無殉死達人所共知秦穆殺三良惜哉空爾
爲結髮事明君受恩良不訾臨沒要之死焉得不
相隨妻子當門泣兄弟哭路陲臨穴呼蒼天涕下
如綆縻人生各有志終不爲此移同知埋身劇心
亦有所施生爲百夫雄死爲壯士規黃鳥作哀詩
至今聲不虧

雜詩

日暮遊西園冀寫一作寫我憂思情曲池揚素波列樹
敷丹榮上有特棲鳥懷春向我鳴褰袵欲從之路
險不得征徘徊不能去佇立望爾形風飈揚塵起
白日忽已冥回身入空房託夢通精誠人欲天不
違何懼不合并

言終 卷之五 九
雜詩四首

吉日簡清時從君出西園方軌策良馬竝驅厲中
原北臨清漳水西看柏陽山回翔遊廣囿逍遙波
水間

列車息衆駕相伴綠水湄幽蘭吐芳烈芙蓉發紅
暉百鳥何續翻振翼羣相追投網引潛魚藝文作鯉强

弩下高飛白日已西邁歡樂忽忘歸

聯翻飛鸞鳥獨遊無所因毛羽照野草哀鳴入層
雲我尚假羽翼飛覩爾形身願及春陽會交頸遘

殷勤

鸞鳥化爲鳩遠竄江漢邊遭遇風雲會託身鸞鳳
間天姿旣否戾受性又不閑邂逅見逼迫俛仰不
得言

七哀詩三首

西京亂無象豺虎方遘患復棄中國去委身適荆
蠻親戚對我悲朋友相追攀出門無所見白骨蔽
平原路有饑婦人抱子棄草間顧聞號泣聲揮涕
獨不還未知身死處何能兩相完驅馬棄之去不

言終
卷之五
恐聽此言南登霸陵岸回首望長安悟彼下泉人
喟然傷心肝

荆蠻非我鄉何爲久滯淫方舟泝大江日暮愁我
心山岡有餘映巖阿增重陰狐狸馳赴穴飛鳥翔
故林流波激清響猴猿臨岸吟迅風拂裳袂白露
沾衣襟獨夜不能寐攝衣起撫琴絲桐感人情爲
我發悲音羈旅無終極憂思壯難忍

邊城使心悲昔吾親更之冰雪截肌膚風飄無止
期百里不見人草木誰當遲

與治同
平聲

登城望亭隧

翩翩飛戍旗行者不顧反出門與家辭子弟多俘
虜哭泣無已時天下盡樂土何爲久畱茲蓼蟲不
知辛去來勿與諮

詩紀卷之十五

終

日劫天不盡樂土何

詩紀卷之十六

魏六

陳琳

字孔璋廣陵人避難冀州袁紹使典文章袁氏敗後歸太祖太祖使琳與阮瑀竝為

司空軍謀祭酒管記室軍國書檄多琳瑀所作也徙門下督

飲馬長城窟行

飲馬長城窟水寒傷馬骨往謂長城吏慎莫稽留
太原卒官作自有程舉築諧汝聲男兒寧當格鬪
死何能怫鬱築長城長城何連連連連三千里邊
城多健少玉臺作兒內舍多寡婦作書與內舍便嫁莫

畱住善侍新姑嫜時時念我故夫子報書往一作與

邊地君今出語一何鄙身在既難中何為稽畱他

家子生男慎莫舉生女哺用脯君獨不見長城下

死人骸骨相撐拄結髮行事君慊慊心意關一作間

明知邊地苦賤妾何能久自全

遊覽二首

高會時不娛羈客難為心殷懷從中發悲感激清

音投觴罷歡坐逍遙步長林蕭蕭山谷風默默一作

黯黯天路陰惆悵忘旋反歔歔涕沾襟一作巾

節運時氣舒秋風涼且清閒居心不娛駕言從友

生翱翔戲長流逍遙登高城東望看疇野迴顧覽

園庭嘉木凋綠葉芳草織紅榮騁哉日月逝年命

將西傾建功不及時鐘鼎何所銘收念還房寢慷

慨詠墳經庶幾及君在立德垂功名

宴會

凱風飄陰雲白日揚素暉良友招我遊高會宴中

闡玄鶴浮清泉綺樹煥青蕤關

徐幹字偉長北海人為司空軍謀祭酒掾屬五官中郎將文學

言系 卷之六
答劉公幹詩

與子別無幾所經未一旬我思一何篤其愁如三
春雖路在咫尺難涉如九關陶陶諸夏別草木昌
且繁

情詩

高殿鬱崇崇廣廈淒泠泠微風起閨闈落日照階
庭踟躕雲屋下笑歌倚華楹君行殊不返我飾爲
誰榮鑪薰闔不用鏡匣上塵生綺羅失常色金翠
暗無精嘉肴旣忘御旨酒亦常停顧瞻空寂寂唯
聞燕雀聲憂思連相屬中心如宿醒

室思

人靡不有初想君能終之別來歷年歲舊恩何可
期重新而忘故君子所猶譏寄身雖在遠豈忘君
須臾旣厚不爲薄想君時見思

雜詩五首

沈陰結愁憂愁憂爲誰興念與君相別各在天一
方良會未有期中心摧且傷不聊憂食食慊慊常
饑空端坐而無爲髣髴君容光

峩峩高山首悠悠萬里道君去日已遠鬱結令人
老人生一世間忽若暮春草時不可再得何爲自
愁惱每誦昔鴻恩賤軀焉足保

浮雲何洋洋願因通我詞飄飄不可寄徒倚徒相
思人離皆復會君獨無返期自君之出矣明鏡暗
不治思君如流水何有窮已時

慘慘時節盡蘭華凋復零喟然長歎息君期慰我
情展轉不能寐長夜何綿綿躡履起出戶仰觀三
星連自恨志不遂泣涕如涌泉

思君見巾櫛以益我勞動安得鴻鸞羽覲此心中
人誠心亮不遂搔首立悁悁何言一不見復會無
因緣故然比目魚今隔如參辰

爲挽船士與新娶妻別

藝文作徐幹玉臺
作魏文帝題云清

河見挽船士新
婚與妻別作

與君結新婚宿昔當別離涼風動秋草蟋蟀鳴相
隨冽冽寒蟬吟蟬吟抱枯枝枯枝時飛揚身體忽
遷移不悲身遷移但惜歲月馳歲月無窮極會合
安可知願爲雙黃鵠比翼戲清池

劉楨

字公幹東平人太祖辟為丞相掾屬太子嘗宴諸文學酒酣命夫人甄氏出拜坐中

咸伏楨獨平視太祖聞之乃收治罪減死輸作署吏建安二十二年卒○魏文帝曰公幹有逸氣但未道耳至五言詩之善者妙絕時倫○詩品曰楨詩其源出於古詩仗氣愛奇動多振絕真骨凌霜高風跨俗但氣過其文雕潤恨少然自思王以下楨稱獨步

公讌詩

永日行遊戲歡樂猶未央遺思在玄夜相與復翱翔輦車飛素蓋從者盈路傍月出照園中珍木鬱蒼蒼清川過石渠流波為魚防芙蓉散其華茵蔯溢金塘靈鳥宿水裔仁獸遊飛梁華館寄流波豁

達來風涼生平未始聞歌之安能詳投翰長歎息綺麗不可忘

贈五官中郎將四首

昔我從元后整駕至南鄉過彼豐沛都與君共翱翔四節相推斥季冬風且涼眾賓會廣坐明燈燿炎光清歌製妙聲萬舞在中堂金壘含甘醴羽觴行無方長夜忘歸來聊且為太康四牡向路馳歡悅誠未央
余嬰沈痼疾竄身清漳濱自夏涉玄冬彌曠十餘

旬常恐游岱宗不復見故人所親一何篤步趾慰
 我身清談同日夕情盼敘憂勤便復為別辭遊車
 歸西鄰素葉隨風起廣路揚埃塵逝者如流水哀
 此遂離分追問何時會要我以陽春望慕結不解
 貽爾新詩文勉哉修令德北面自寵珍

秋日多悲懷感慨以長歎終夜不遑寐敘意於濡
 翰明燈曜閨中清風淒已寒白露塗前庭應門重
 其關四節相推斥歲月忽欲殫壯士遠出征戎事
 將獨難涕泣灑衣裳能不懷所歡

涼風吹沙礫霜氣何皚皚

五來切

明月照緹幕華燈

散炎輝賦詩連篇章極夜不知歸君侯多壯思文
 雅縱橫飛小臣信頑鹵僂俛安能追

贈徐幹

誰謂相去遠隔此西掖垣拘限清切禁中情無由
 宣思子沈心曲長歎不能言起坐失次第一日三
 四遷步出北寺門遙望西苑園細柳夾道生方塘
 含清源輕葉隨風轉飛鳥何翻翻乖人易感動涕
 下與衿連仰視白日光皦皦高且懸兼燭八紘內

物類無頗偏我獨抱深感不得與比焉

贈從弟三首

汎汎東流水磷磷水中石蘋藻生其涯華葉紛擾
溺采之薦宗廟可以羞嘉客豈無園中葵懿此出
深澤

亭亭山上松瑟瑟谷中風風聲一何盛松枝一何
勁冰霜正慘悽終歲常端正豈不罹凝寒松柏有
本性

鳳凰集南嶽徘徊孤竹根於心有不厭奮翅凌紫
氛豈不常勤苦羞與黃雀羣何時當來儀將須聖
明君

雜詩

職事相一作填委文墨紛消散馳翰未暇食日昃
不知晏沈迷簿領書回回自昏亂釋此出西城登
高且遊觀方塘含白水中有鳧與鴈安得肅肅羽
從爾浮波瀾

鬪雞

丹雞被華采雙距如鋒芒願一揚炎威會戰此中

言終 卷之六
唐利爪探玉除
瞋目含火光
長翹驚風起
勁翮正敷張
輕舉奮勾喙
電擊復還翔

射鳶

鳴鳶弄雙翼
飄飄薄青雲
我后橫怒起
意氣凌神
仙發機如驚
焱三發兩鳶
連流血灑牆
屋飛毛從
風旋庶士同
聲贊君射一
何妍

失題二首

見藝文類木部

昔君錯畦時
東土有素木
條柯不盈尋
一尺再三
曲隱生真翳
林倥偬自迫
東得託芳蘭
苑列植高

山足

關

二

藝文類草部

青青女蘿草
上依高松枝
幸蒙庇養恩
分惠不可
貲風雨雖急
疾根株不傾
移

關

詩紀卷之十六終

詩已

卷之六 魏

八

詩紀卷之十七

魏七

應瑒 字德璉汝南人漢太山太守劭之從子也魏太祖辟為丞相掾屬轉平原侯庶子後

為五官中郎將文學建安二十二年卒

報趙淑麗 一作報趙叔嚴

朝雲不歸夕結成陰離羣猶疑作宿永思長吟有

鳥孤棲哀鳴北林嗟我懷矣感物傷心

公讌

巍巍主人德佳會被四方開館延羣士置酒于斯

言終
卷之七
堂辨論釋鬱結援筆興文章穆穆衆君子好合同
歡康促坐褰重帷傳滿騰羽觴

侍五官中郎將建章臺集詩

朝鴈鳴雲中音響一何哀問子遊何鄉戢翼正徘徊
言我塞門來將就衡陽棲往春翔北土今冬客
南淮遠行蒙霜雪毛羽日摧頽常恐傷肌骨身隕
沈黃泥簡珠墮沙石何能中自諧欲因雲雨會濯
翼陵高梯良遇不可值伸眉路何階公子敬愛客
樂飲不知疲和顏旣已暢乃肯顧細微贈詩見存
慰小子非所宜且爲極懽情不醉其無歸凡百敬
爾位以副饑渴懷

別詩二首

朝雲浮四海日暮歸故山行役懷舊土悲思不能
言悠悠涉千里未知何時旋

浩浩長河水九折東北流晨夜赴滄海海流亦何
抽遠適萬里道歸來未有由臨河累一作竟太息五
內懷傷憂

鬪雞

戚戚懷不樂無以釋勞勤兄弟遊戲場命駕迎衆
賓二部分曹伍羣雞煥以陳雙距解長綵飛踊超
敵倫芥羽張金距連戰何續紛從朝至日夕勝負
尚未分專場驅衆敵剛捷逸等羣四坐同休贊賓
主懷悅欣博奕非不樂此戲世所珍

應璩

字休璉瑒之弟博學好屬文明帝時歷官散騎常侍齊王卽位稍遷侍中大將軍長史曹爽多違法度璩爲詩以諷焉其言雖頗諧然多切時要後爲侍中典著作嘉平四年卒○詩品曰璩詩祖襲魏文善爲古語指事殷勤雅意深篤得詩人激刺之旨至於濟濟今日所華靡可諷詠焉

百一詩三首

下流不可處君子慎厥初名高不宿著易用受侵
誣前者隳官去有人適我閭田家無所有酌醴焚
枯魚問我何功德三入承明廬所占於此土是謂
仁智居文章不經國筐篋無尺書用等稱才學往
往見歎譽避席跪自陳賤子實空虛宋人遇周客
慙媿靡所如

年命在桑榆東岳與我期長短有常會遲速不得
辭斗酒多爲樂無爲待來茲室廣致凝陰臺高來

積陽奈何季世人侈靡在宮牆飾巧無窮極土木
被朱光徵求傾四海雅意猶未康

子弟可不慎慎在選師友師友必長德中才可進

誘闕

丹陽集曰楚國先賢傳言應璩作百一詩譏切時事徧以示在事者皆怪愕以為應焚棄之及觀文選所載璩百一篇畧不及時事又郭茂倩雜體詩載百一詩五篇皆璩所作首篇言馬子侯解音律而以陌上桑為鳳將雛二篇傷翳桑二老無以葬妻子而已無宣孟之德可以期其急三篇言老人自知桑榆之景斗酒自勞不肯為子孫積財末篇即文選所載是也第四篇似有風諫所謂苟欲娛耳目快心樂腹腸我躬不悅歡安能慮死亡此豈非所謂應焚棄之詩乎

方是時曹爽事多違法璩為爽長史切諫其失如此所謂百一者庶幾百分有一補於爽也

雜詩三首

廣文選作應璩今依藝文作應璩

細微可不慎隄潰自蟻穴一作腠理蚤從事安復

勞鍼石哲人覩未形愚夫闇明白曲突不見賓焦

爛為上客思願獻良規江海倘不逆狂言雖寡善

猶有如雞跖一作雞跖食不已齊王為肥澤

散騎常師友朋疑作夕進規獻侍中主喉舌萬機

無不亂尚書統庶事官人乘疑作法憲彤管弭納

言貂璫表武弁出入承明廬車服一何煥三寺齊

榮秩百僚所瞻願

以下二首見藝文

少壯面目澤長老顏色麤麤醜人所惡拔白自洗

蘇闕

三叟

古有行道人陌上見三叟年各百餘歲相與鋤禾
莠住車問三叟何以得此壽上叟前致辭內中嫗
貌醜中叟前致辭量腹節所受下叟前致辭夜臥
不覆首要哉三叟言所以能長久

應瑗

唐藝文志有應瑗集十卷

雜詩

見初學記

貧子語窮兒無錢可把撮耕自不得粟采彼北山
葛簞瓢恒自在無用相呵喝

阮瑀

字元瑜陳畱人少受學于蔡邕曹操辟為司空軍謀祭酒管記室後為倉曹掾屬建

安十七年卒

駕出北郭門行

駕出北郭門馬樊不肯馳下車步踟躕一作躑躅仰折
枯楊枝顧聞丘林中噉噉有悲啼借問啼者出何
為乃如斯親母舍我歿後母憎孤兒饑寒無衣食

詩經 卷之七 五
舉動鞭捶施骨消肌肉盡體若枯樹皮藏我空室
中父還不能知上冢察故處存亡永別離親母何
可見淚下聲正嘶棄我于此間窮厄豈有貲傳告
後代人以此爲明規

琴歌

魏書曰太祖雅聞瑀名辟之不應乃逃入山中太祖使人焚山得瑀太祖時征長安大延賓客怒瑀不與語使就技人列瑀善解音能鼓琴撫絃而歌爲曲旣捷音聲殊妙太祖大悅

奕奕天門開大魏應期運青蓋巡九州在東西人

怨士爲知己死女爲悅者玩恩義苟潛暢他人焉
能亂

詠史詩二首

誤哉秦穆公身沒從三良忠臣不違命隨軀就死
亡低頭闕壙戶仰視日月光誰謂此何處恩義不
可忘路人爲流涕黃鳥鳴高桑

燕丹養勇士荆軻爲上賓圖擢盡七首長驅西入
秦素車駕白馬相送易水津漸離擊筑歌悲聲感
路人舉坐同咨嗟歎氣若青雲

言系 卷之七
雜詩二首

臨川多悲風秋日苦清涼客子易爲戚感一作此

用哀傷攬衣起躑躅上觀心與房三星守故次明

月未收光雞鳴當何時朝晨尚未央還坐長歎息

憂憂安可忘

我行自凜秋季冬乃來歸置酒高堂上友朋集光

輝念當復離別涉路險且夷思慮益惆悵淚下沾

裳衣

七哀詩

丁年難再遇富貴不重來良時忽一過身體爲土

灰冥冥九泉室漫漫長夜臺身盡氣力索精魂靡

所能今本作嘉穀設不御旨酒盈觴杯出壙望故鄉

但見蒿與萊

隱士

四皓潛南岳老萊竄河濱顏回樂陋巷許由安賤

貧伯夷餓首陽天下歸其仁何患處貧苦但當守

明真

苦雨

苦雨滋玄冬引日彌且長丹墀自殲殪深樹猶沾
裳客行易感悴我心摧已傷登臺望江河陽侯沛
洋洋

失題

藝文
老部

白髮隨櫛墮未寒思厚衣四支易懈倦行步益踈
遲常恐時歲盡魂魄忽高飛自知百年後堂上生
旅葵

公讌

見初
學記

陽春和氣動賢主以崇仁布惠綏人物降愛常所

親上堂相娛樂中外奉時珍五味風雨集杯酌若

浮雲

關

怨詩

民生受天命漂若河中塵雖稱百齡壽孰能應此
身猶獲嬰凶禍流落一作流離恒苦心關

繆襲

字熙伯東海蘭陵人有才學多所敘述官
至侍中尚書光祿勳文章志曰襲辟御史
大夫府歷事魏四
世正始六年卒

魏鼓吹曲十二首

楚之平

晉書樂志曰改漢朱鷺為楚之平言魏也古今樂錄為初之平

楚之平義兵征神武奮金鼓鳴邁武德揚洪名漢
室微社稷傾皇道失桓與靈闔宦熾羣雄爭邊韓
起亂金城中國擾無紀經赫武皇起旗旌麾天下
天下平濟九州九州寧創武功武功成越五帝邈
三王典禮樂定紀綱普日月齊輝光

戰榮陽

改漢思悲翁為戰榮陽言曹公也

戰榮陽汴水陂戎士憤怒貫甲馳陣未成退徐榮

二萬騎塹壘平戎馬傷六軍驚勢不集眾幾傾白
日沒時晦冥顧中牟心屏營同盟疑計無成賴我
武皇萬國寧

獲呂布

改漢艾如張為獲呂布言曹公東圍臨淮生擒呂布也

獲呂布戮陳宮芟夷鯨鯢驅騁羣雄囊括天下運
掌中

克官渡

改漢上之回為克官渡言曹公與袁紹戰破之於官渡也

克紹官渡由白馬僵屍流血被原野賊衆如犬羊
王師尚寡沙塹傍風飛揚轉戰不利士卒傷今日
不勝後何望土山地道不可當卒勝大捷震冀方
屠城破邑神武遂章

舊邦

改漢翁離爲舊邦言曹公勝袁紹於官渡還譙收藏死亡士卒也

舊邦蕭條心傷悲孤魂翩翩當何依遊士戀故涕
如摧兵起事大令願違傳求親戚在者誰立廟置
後魂來歸

定武功

改漢戰城南爲定武功言曹公初破鄴城武功之定始乎此也

定武功濟黃河河水湯湯旦暮有橫流波袁氏欲
衰兄弟尋干戈決漳水水流滂沱嗟城中如流魚
誰能復顧室家計窮慮盡求來連和和不時心中
憂戚賊衆內潰君臣奔北拔鄴城奄有魏國王業
艱難覽觀古今可爲長歎

屠柳城

改漢巫山高爲屠柳城言曹公越北塞歷白檀破三郡烏桓於柳城也

屠柳城功誠難越度隴塞路漫漫北踰岡平但聞
悲風正酸蹋頓授首遂登白狼山神武懋海外永
無北顧患

平南荆

改漢上陵爲平南荆
言曹公南平荆州也

南荆何遼遼江漢濁不清菁茅久不貢王師赫南
征劉琮據襄陽賊備屯樊城六軍廬新野金鼓震
天庭劉子面縛至武皇許其成許與其成撫其民
陶陶江漢間普爲大魏臣大魏臣向風思自新思
自新齊功古人在昔虞與唐大魏得與均多選忠
義士爲喉脣天下一定萬世無風塵

平關中

改漢將進酒爲平關中言
曹公征馬超定關中也

平關中路向潼濟濁水立高墉鬪韓馬離羣凶選
驍騎縱兩翼虜崩潰級萬億

應帝期

改漢有所思爲應帝期言文
帝以聖德受命應運期也

應帝期於昭我文皇歷數承天序龍飛自許昌聰

明昭四表恩德動遐方星辰爲垂耀日月爲重光
河洛吐符瑞草木挺嘉祥麒麟步郊野黃龍游津
梁白虎依山林鳳凰鳴高岡考圖定篇籍功配上
古義皇義皇無遺文仁聖相因循期運三千歲一
生聖明君堯授舜萬國萬國皆附親四門爲穆穆
教化常如神大魏興聖與之爲鄰

邕熙

改漢芳樹爲邕熙言魏氏臨其國君臣邕穆庶績咸熙也

邕熙君臣念德天下治登帝道獲瑞寶頌聲竝作
洋洋浩浩吉日臨高堂置酒列名倡歌聲一何紆
餘雜笙簧八音諧有紀綱子孫永建萬國壽考樂
無央

太和

改漢上邪爲太和言明帝繼體承統太和改元德澤流布也

惟太和元年皇帝踐祚聖且仁德澤爲流布災蝗
一時爲絕息上天時雨露五穀滋宋書作溢田疇四民
相率遵軌度事務激清天下獄訟察以情元首明
魏家如此那得不太平

言終
卷之七
挽歌

生時遊國都死沒棄中野朝發高堂上暮宿黃泉
下白日入虞淵懸車息駟馬造化雖神明安能復
存我形容稍歇滅齒髮行當墮自古皆有然誰能
離此者

繁欽

字休伯文才機辨少得名於汝潁
爲丞相主簿建安二十三年卒

贈梅公明詩

瞻我北園有條者桑遘此春景旣茂且長氤氲吐
葉柔潤有光黃條蔓衍青鳥來翔日月其邁時不

可忘公子瞻旃勳名乃彰

遠戍勸戒詩

肅將王事集此揚土凡我同盟旣文旣武郁郁桓
桓有規有矩務在和光同塵共垢各竟其心爲國
蕃輔閭閻行行一作衍衍非法不語可否相濟闕則云

補

蕙詠

蕙草生山北托身失所依植根陰崖側夙夜懼危
顛寒泉浸我根淒風常徘徊三光照八極獨不蒙

詩經 卷之七 十三
餘暉葩葉永彫悴凝露不暇晷百草一作皆含榮
已獨失時姿比我英芳發鷓鴣鳴已哀

定情詩

我出東門遊邂逅承清塵思君卽幽房侍寢執衣
巾時無桑中契迫此路側人我旣媚君姿君亦悅
我顏何以致拳拳縮臂雙金環何以致殷勤約指
一雙銀何以致區區耳中雙明珠何以致叩叩香
囊繫肘後何以致契闊繞腕雙跳脫何以致結恩情
美玉綴羅纓何以致結中心素縷連雙鍼何以致結相

於

一作投

金薄畫搔頭何以致慰別離耳後玳瑁釵何

以答歡悅純素三條裾何以致結愁悲白絹雙中衣
與我期何所乃期東山隅日旰兮不來谷風吹我
襦遠望無所見涕泣起踟躕與我期何所乃期山
南陽日中兮不來飄風吹我裳逍遙莫誰覩望君
愁我腸與我期何所乃期西山側日夕兮不來躑
躅長歎息遠望涼風至俯仰正衣服與我期何所
乃期山北岑日暮兮不來淒風吹我襟望君不能
坐悲苦愁我心愛身何以為惜我華色時中情旣

言終
卷之七
十四
欵欵然後尅密期褰衣躡茂草謂君不我欺廁此
醜陋質徒倚無所之自傷失所欲淚下如連絲

槐樹詩

嘉樹吐翠葉列在雙闕涯旖旎隨風動柔色紛陸

離

闕

雜詩

世俗有險易時運有盛衰老氏和其光遽瑗貴可

懷

闕

吳質

字季重濟陰人以文才為文帝所善官至振威將軍假都督河北諸軍事封列侯太

和四年入為侍中卒諡曰威侯

思慕詩

文章敘錄曰文帝崩吳質思慕作詩云

愴愴懷殷憂殷憂不可居徙倚不能坐出入步踟
躕念蒙聖主恩榮爵與眾殊自謂永終身志氣甫
當舒何意中見棄棄我就黃墟煢煢靡所恃淚下
如連珠隨沒無所益身死名不書慷慨自俛仰庶
幾烈丈夫

邯鄲淳

一名竺字子淑博學有才初平時從三輔客荊州荊州內附太祖素聞其名召

言系
卷之七
十五
見甚敬異之時五官將博延英儒因啓淳欲
使在文學會臨苗侯植亦求淳太祖遣淳詣
植黃初初以淳
為博士給事中

答贈詩

我受上命來隨臨苗與君子處曾未盈期見召本
朝駕言趣期羣子重離首命于時餞我路隅贈我
嘉辭既受德音敢不答之余惟薄德既局且鄙見
養賢侯於今四祀既庇西伯永誓沒齒今也被命
義在不俟瞻戀我侯又慕君子行道遲遲體逝情
止豈無好爵懼不我與聖主受命千載一遇攀龍

附鳳必在初舉行矣去矣別易會難自強不息人

誰獲安願子大夫勉簣成山天休方至萬福爾臻

杜摯

字德魯河東人初署司徒軍謀
吏後舉孝廉除郎中轉補校書

贈母丘儉

文章敘錄曰摯與母丘儉鄉里相親故
為詩與儉求仙人藥一丸欲以相感切
儉求助也儉答以詩然
摯竟不得遷卒于祕書

騏驥馬不試婆娑槽櫪間壯士志未伸坎軻多辛
酸伊摯為媵臣呂望身操竿夷吾困商販寧戚對
牛歎食其處監門淮陰飢不餐買臣老負薪妻叛

呼不還釋之宦十年位不增故官才非八子倫而

與齊其患無知不在此袁盎未有言被此萬病久

榮衛動不安聞有韓眾藥信來給一九初學記載

荆川詩云鵠飛舉萬里一蜚翮
吳蒼翔高志難得離鴻失所望

母丘儉

字仲恭河東聞喜人初為平原侯文學

定遠東進封安邑侯高句驪數侵叛儉討之
有功遷鎮東將軍都督揚州與揚州刺史文

鎮矯太后詔討大將
軍司馬師兵敗遇害

答杜摯

鳳鳥翔京邑哀鳴有所思才為聖世出德音何不

怡八子未際遇今者遭明時胡康出壠畝楊偉無

根基飛騰冲雲天奮迅協光熙駿驥骨法異伯樂

觀知之但當養羽翮鴻舉必有期體無纖微疾安

用問良醫聯翩輕栖集還為燕雀啣此四句疑錯互韓眾

藥雖良恐便不能治悠悠千里情薄言答嘉詩信

心感諸中中賞不在辭

何晏

字平叔南陽宛人尚主又好色故黃初時
無所事任正始中曹爽用為中書主選舉

宿舊者多得濟拔
為司馬宣王所誅

擬古

名士傳曰是時曹爽輔政識者慮有危
機晏有重名與魏姻戚內雖懷憂而無
復退也著五
言詩以言志

雙鶴世說作鴻鵠比翼遊羣飛戲太清常恐失世說作入網

羅憂禍一旦并豈若集五湖順流唼浮萍逍遙放

志意世說作永寧曠中懷何為怵惕驚

失題見初學萍部

轉蓬去其根流飄從風移芒芒四海涂悠悠焉可
彌願為浮萍草託身寄清池且以樂今日其後非
所知

左延年晉書樂志曰黃初中左延年以新聲被寵

秦女休行

步出上西門遙望秦氏廬秦氏有好女自名為女

休休一作始年十四五為宗行報讐左執白楊刃右

據宛魯矛讐家便東南仆僵秦女休女休西上山

上山四五里關吏呵問休女休女前置一作致詞平

生為燕王婦於今為詔獄囚平生衣參差當今無

領襦明知殺人當死兄言怏怏弟言無道憂女休

堅詞為宗報讐死不疑殺人都市中徼我都巷西

丞卿羅一有列字東向坐女休悽悽曳桔前兩徒夾我持刀刀五尺餘刀未下臃隴擊鼓赦書下

從軍行

古今樂錄曰王僧虔云荀錄所載左延年苦哉一篇今不傳

苦哉邊地人一歲三從軍三子到燉煌二子詣隴

西五子遠鬪去五婦皆懷身關

又見初學記

從軍何等樂一驅乘雙駃鞍馬照人白龍驤自動

作

程曉字季明衛尉安鄉侯昱之孫以祖功分封列侯嘉平中為黃門侍郎遷汝南太守○

古文苑作晉人

贈傅休奕詩

熒熒獨夫寂靜處酒不盈觴肴不掩俎厥客伊

何許由巢父厥醴伊何玄酒瓠脯關

又贈傅休奕

三光飛景玉衡代邁龍集甲子四時成歲權輿授

代徐陳蕩穢元服初嘉萬福咸會赫赫應門嚴嚴

朱闕羣后揚揚庭燎晷晷關

言系
卷之七
未開亭嘲熱客

平生三伏時道路無行車閉門避暑臥出入不相

過今世一作襜襖子觸熱到人家主人聞客來顰

感奈此何謂當起行去安坐正咯嗟歲時作所說

無一急啗哈一何多疲瘞向之久甫問君極那搖

扇髀中疾一作痛流汗正滂沱莫謂為小事亦是一

大瑕傳戒諸高明熱行宜見呵

秦宓

野觀遠遊

遠遊何所見所見邈難紀巖穴非我鄰林麓無知
已虎則豹之兄鷹則鷁之弟困獸走環岡飛鳥驚
巢起猛氣何咆厲陰風起千里遠遊長太息太息
遠遊子

焦先

字孝然河東人也常食白石以分與人熟
煮如芋食之日日入山伐薪以施人及魏
受禪湄河之濱結草為菴獨止其中太守董
經往視之不肯語經益以為賢或忽老忽少
後與人別去
不知所適

祝劬歌

高士傳

魏伐吳有竊問隱士焦先先不應謬歌
後魏軍敗人推其意辨羊指吳殺癡指

魏也

祝魴祝魴非魚非肉更相追逐本為殺牂羊更殺
殺羶

詩紀卷之十七 終

詩紀卷之十八

魏八

稽康

字叔夜譙郡銍人好言老莊而尚奇任俠
寓居山陽家貧鍛以自給與魏宗室婚拜
中散大夫山濤為吏部舉康自代康答書言
不堪流俗非薄湯武大將軍司馬昭聞之而
怒景元三年以鍾會譖殺之○詩品云頗似
魏文過為峻切許直露才傷淵雅之致然託
論清遠良有鑒裁
亦未失高流矣

秋胡行七首

本集題曰重
作四言詩

富貴尊榮憂患諒獨多富貴尊榮憂患諒獨多古
人所懼豐屋蔀家人害其上獸惡網羅惟有貧賤

言終
可以無他歌以言之富貴憂患多

貧賤易居貴盛難為工貧賤易居貴盛難為工恥

佞直言與禍相逢變故萬端俾吉作凶思牽黃犬

其計莫從樂府作其莫之從歌以言之貴盛難為工

勞謙寡悔忠信可久安勞謙寡悔忠信可久安天

道害一作惡盈好勝者殘彊梁致災多事一無事字招禍

患欲得安樂獨有無愆集作愆歌以言之忠信可久

安

役神者弊極欲疾枯役神者弊極欲疾枯顏回短

折不及童烏縱體淫恣莫不早徂酒色何物今自

不辜歌以言之酒色令人枯

絕智弃學遊心於玄默絕智弃學遊心於玄默遇

過而悔當不自得垂釣一壑所樂一國被髮行歌

和者四塞歌以言之遊心於玄默

思與王喬乘雲遊八極思與王喬乘雲遊八極凌

厲五嶽忽行萬億授我神藥自生羽翼呼吸太和

鍊形易色歌以言之思行遊八極

徘徊鍾山息駕於層城徘徊鍾山息駕於層城上

詩經 卷之八
陰華蓋下采若英受道王母遂升紫庭逍遙天衢
千載長生歌以言之徘徊於層城

幽憤詩

晉書曰東平呂安服康高致康友而善
之後安爲兄所枉訴以事繫獄辭相證
引遂復收康康
乃作幽憤詩

嗟余薄祜少遭不造哀癸靡識越在襁褓母兄鞠
育有慈無威恃愛肆姐子豫不訓不師爰及冠帶
憑寵自放抗心希古任其所尚託好老莊賤物貴
身志在守樸養素全真曰余不敏好善聞人子玉

之敗屢增惟塵大人含弘藏垢懷耻民之多僻政
不由已惟此褊心顯明臧否感悟思愆怛若創痛

于軌反

欲寡其過謗議沸騰性不傷物頻致怨憎昔

慙柳惠今愧孫登內負宿心外慙良朋仰慕嚴鄭
樂道閒居與世無營神氣晏如咨予不淑嬰累多
虞匪降自天寔由頑踈理弊患結卒致囹圄對答
鄙訊繫此幽阻實恥訟冤善作免時不我與雖曰義
直神辱志沮澡身滄浪豈云能補噫噫鳴鴈奮翼
北遊順時而動得意忘憂嗟我憤歎曾莫能儔事

言糸
卷之八
與願違邁茲淹留窮達有命亦又何求古人有言
善莫近名奉時恭默咎悔不生萬石周慎安親保
榮世務紛紜祇攬予情安樂必誠乃終利貞煌煌
靈芝一年三秀予獨何爲有志不就懲難思復心
焉內疚庶勗將來無馨無臭采薇山阿散髮巘岫
永嘯長吟願性養壽

贈秀才入軍十九首

集云兄秀才公
穆入軍贈詩

鴛鴦于飛肅肅其羽朝遊高原夕宿蘭渚邕邕和
鳴顧眄儔侶俛仰慷慨優游容與

鴛鴦于飛嘯侶命儔朝游高原夕宿中洲交頸振
翼容與清流咀嚼蘭蕙俛仰優游

泳彼長川言息其漣陟彼高岡言刈其楚嗟我征
邁獨行踽踽仰彼凱風滂泣如雨

泳彼長川言息其漣陟彼高岡言刈其杞嗟我獨
征靡瞻靡恃仰彼凱風載坐載起

穆穆惠風扇彼輕塵奕奕素波轉此遊鱗伊我之
勞有懷佳人寤言永思寔鍾所親

所親安在舍我遠邁弃此蓀芷襲彼蕭艾雖曰幽

言系 卷之六 四
深豈無顛沛言念君子不遐有害

人生壽促天地長久百年之期孰云其壽思欲登
仙以濟不朽攬轡踟躕仰顧我友

我友焉之隔茲山岡誰謂河廣一葦可航徒恨永
離逝彼路長瞻仰弗及徙倚彷徨

良馬旣閑麗服有暉左攬繁弱右接忘歸風馳電
逝躡景追飛凌厲中原顧眄生姿

携我好仇載我輕車南凌長阜北厲清渠仰落驚
鴻俯引淵魚盤于游田其樂只且

凌高遠盼俯仰咨嗟怨彼幽繫邈爾路遐雖有好
音誰與清歌雖有姝顏誰與發華仰訊高雲俯託
輕波乘流遠遁抱恨山阿

輕車迅邁息彼長林春木載榮布葉垂陰習習谷
風吹我素琴交交黃鳥顧儔弄音感悟集作寤馳情

思我所欽心之憂矣永嘯長吟

浩浩洪流帶我邦畿萋萋綠林奮榮揚暉魚龍灑
潛山鳥羣飛駕言出遊日夕忘歸思我良朋如渴
如饑願言不獲愴矣其悲

言終
息徒蘭圃秣馬華山流磻平臯垂綸長川目送歸
鴻手揮五絃俯仰自得游心太玄嘉彼釣叟得魚
忘筌郢人逝矣誰與盡言

閑夜肅清朗月照軒微風動桂組帳高褰旨酒盈
樽莫與交歡鳴琴在御誰與鼓彈仰慕同趣其馨
若蘭佳人不存能不永歎

乘風高遊遠登靈丘託好松喬携手俱遊朝發太
華夕宿神州彈琴詠詩聊以忘憂

琴詩自樂遠遊可珍含道獨往弃智遺身寂乎無
累何求於人長寄靈嶽怡志養神

流俗難悟逐物不還至人遠鑒歸之自然萬物爲
一四海同宅與彼共之予何所惜生若浮寄暫見
忽終世故紛紜棄之八成澤雉雖饑不顧園林安
能服御勞形苦心身貴名賤榮辱何在貴得肆志
縱心無悔

雙鸞匿景曜戢翼太山崖抗首漱朝露晞陽振羽
儀長鳴戲雲中時下息蘭池自謂絕塵埃終始永
不虧何意世多艱虞人來我疑雲網塞四區高羅

正參差奮迅勢不便六翮無所施隱姿就長纓卒
爲時所羈單雄翻孤逝哀吟傷生離徘徊戀儔侶
慷慨高山陂鳥盡良弓藏謀極身心危吉凶雖在
已世路多嶮巇安得反初服抱玉寶六竒逍遙遊
太清携手長相隨

酒會詩七首

淡淡流水淪胥而逝汎汎栢舟載浮載滯微嘯清
風鼓楫容裔放櫂投竿優游卒歲
婉彼鴛鴦戢翼而遊俯喙綠藻託身洪流朝翔素

瀨夕棲靈洲搖蕩清波與之沈浮

流詠蘭池和聲激朗操縵清商遊心大象傾昧修
身惠音遺響鍾期不存我志誰賞

歛絃散思遊釣九淵重流千仞惑餌者懸猗與莊
老棲遲永年寔惟龍化蕩志浩然

肅肅冬風分生江湄却背華林俯沂丹坻

一作合

陽吐英履霜不衰嗟我殊觀百卉具腓心之憂矣
孰識玄機

猗猗蘭藹殖彼中原綠葉幽茂麗葢穠繁馥馥蕙

芳順風而宣將御椒房吐薰龍軒瞻彼秋草悵矣
惟騫

樂哉苑中遊周覽無窮已百卉吐芳華崇基邈高
時林木紛交錯玄池戲魴鯉輕丸斃翔禽織綸出
鱣鮪坐中發美讚異氣同音軌臨川獻清酤微歌
發皓齒素琴揮雅操清聲隨風起斯會豈不樂恨
無東野子酒中念幽人守故彌終始但當體七絃
寄心在知己

雜詩

微風清扇雲氣四除皎皎亮月麗于高隅興命公
子携手同車龍驥翼翼揚鑣踟蹰蕭蕭宵征造我
友廬光燈吐輝華幔長舒鸞觴酌醴神鼎烹魚絃
超子野歎過綿駒流詠太素俯讚玄虛孰克英賢
與爾剖符

答二郭三首

天下悠悠者下京趨上京二郭懷不羣超然來北
征樂道託萊廬雅志無所營良時邁其願遂結歡
愛情君子義是親恩好篤平生寡志自生災屢使

言系
衆釁成豫子

一作讓

匿梁側聶政變其形顧此懷怛

惕慮在苟自寧今當寄他域嚴駕不得停本圖終
宴婉今更不克并二子贈嘉詩馥如幽蘭馨戀土
思所親不知氣憤盈

昔蒙父兄祚少得離負荷因疏遂成懶寢蹟北山
阿但願養性命終已靡有他良辰不我期當年值
紛華坎壈趣世務常恐嬰網羅羲農邈已遠拊膺
獨咨嗟朔戒貴尚容漁父好揚波雖逸亦已難非
余心所嘉豈若翔區外餐瓊漱朝霞遺物弃鄙累

逍遙遊太和結友集靈嶽彈琴登清歌有能從此
者古人豈足多

詳觀凌世務屯險多憂虞施報更相市大道匿不
舒夷路值枳棘安步將焉如權智相傾奪名位不
可居鸞鳳避爵羅遠託崑崙墟莊周悼靈龜越穆
一作櫻嗟王輿至人存諸已隱璞樂玄虛功名何足
殉乃欲列簡書所好亮若茲楊氏歎交衢去去從
所志敢謝道不俱

與阮德如

言終
卷之八
九
含哀還舊廬感切傷心肝良時邁數子談慰臭如
蘭疇昔恨不早旣面侔舊歡不悟卒永離念隔增
憂歎事故無不有別易會良難郢人忽已逝匠石
寢不言澤雉窮野草靈龜樂泥蟠榮名穢人身高
位多災患未若捐外累拾遺
作慮肆志養浩然顏氏希
有虞隰子慕黃軒涓彭獨何人唯志在所安漸漬
殉近欲一往不可攀生生在豫積勿以怵自寬南
土旱不涼衿計宜早完君其愛德素行路慎風寒
自力致所懷臨文情辛酸

遊仙詩

遙望山上松隆谷鬱青蔥自遇一何高獨立迥無
雙願想遊其下蹊路絕不通王喬弃我去乘雲駕
六龍飄颻戲玄圃黃老路相逢授我自然道曠若
發童蒙採藥鍾山隅服食改姿容蟬蛻弃穢累結
友家板桐臨觴奏九韶雅歌何邕邕長與俗人別
誰能覩其蹤

述志詩二首

潛龍育神軀濯鱗戲蘭池延頸慕大庭寢足俟皇

言終 卷之八
義慶雲未垂景盤桓朝陽陂悠悠非吾匹疇肯應
俗宜殊類難徧周鄙議紛流離輶軻丁悔吝雅志
不得施耕耨感寧越馬席激張儀逝將離羣侶杖
策追洪崖焦鵬振六翮羅者安所羈浮遊太清中
更求新相知比翼翔雲漢飲露餐瓊枝多念世間
人夙駕咸驅馳冲靜得自然榮華安足爲

斥鷃擅蒿林仰笑神鳳飛一作坎井蝘蛭宅神龜

安所歸恨自用身拙任意多永思遠實與世殊義
譽非所希往事既已謬來者猶可追何爲人事間

自令心不夷慷慨思古人夢想見容輝願與知己
遇舒憤啓其微巖穴多隱逸輕舉求吾師晨登箕

拾遺作西山巔日夕不知饑玄居養營魄千載長自綏

六言十首

惟上古堯舜

二人功德齊均不以天下私親高尚簡樸茲順寧
濟四海烝民

唐虞世道治

萬國穆親無事賢愚各自得志晏然逸豫內忘佳

詩經
卷之八
十一
哉爾時可喜

知慧用

爲法滋章寇生紛然相召不停大人玄寂無聲鎮之以靜自正

名與身孰親

哀哉世俗徇榮馳騫竭力喪精得失相紛憂驚自是勤苦不寧

生生厚招咎

金玉滿堂莫守古人安此麤醜獨以道德爲友故

能延期不朽

名行顯患滋

位高勢重禍基美色伐性不疑厚味腊毒難治如何貪人不思

東方朔至清

外以貪汚內貞穢身滑稽隱名不爲世界所撓所欲不足無營

楚子文善仕

三爲令尹不喜柳下降身蒙耻不以爵祿爲已靖

言終
卷之八
恭古惟二子

老萊妻賢名

不願夫子相荆相將避祿隱耕樂道閒居採萍終
厲高節不傾

嗟古賢原憲

弃背膏梁朱顏樂此屢空饑寒形陋體逸心寬得
志一世無患

思親詩

奈何愁兮愁無聊恒惻惻兮心若抽愁奈何兮悲

思多情鬱結兮不可化奄失恃兮孤笑笑內自悼
兮啼失聲思報德兮邈已絕感鞠育兮情剝裂嗟
母兄兮永潛藏想形容兮內摧傷感陽春兮思慈
親欲一見兮路無因望南山兮發哀歎感机杖兮
涕洟瀾念疇昔兮母兄在心逸豫兮壽四海忽已
逝兮不可追心窮約兮但有悲上空堂兮廓無依
覩遺物兮心崩摧中夜悲兮當告誰獨收淚兮抱
哀戚日遠邁兮思予心戀所生兮淚不禁慈母沒
兮誰與驕顧自憐兮心忉忉訴蒼天兮天不聞淚

詩經 卷之八 十三
如雨兮歎青雲欲弃憂今尋復來痛殷殷今不可
裁

稽喜

字公穆舉秀才歷揚州刺史○晉百官
名稽喜晉武帝太康三年爲徐州刺史

答稽康四首

一作答
弟叔夜

飾車駐駟駕言出遊南厲伊渚北登邛丘青林華
茂青鳥羣嬉感悟長懷能不永思永思伊何思齊
大儀凌雲輕邁託身靈螭遙集芝圃釋轡華池華
木夜光沙棠離離俯漱神泉仰噉璠枝結心皓素
終始不虧

華堂臨浚沼靈芝茂清泉仰瞻青禽翔俯察綠水
濱逍遙步蘭渚感物懷古人李叟寄周朝莊生遊
漆園時至忽蟬蛻變化無常端

君子體變通否泰非常理當流則義行時遊則鵲
起達者鑒通塞盛衰爲表裏列仙狗生命松喬安
足齒縱軀任世度至人不私已

達人與物化世俗安可論都邑可優游何必棲山
原孔父策良駟不云世路難出處因時資潛躍無
常端保心守道居視變安能遷

郭遐周

贈稽康三首

吾無佐世才時俗不可量歸我北山阿逍遙以倡
伴同氣自相求虎嘯谷風涼惟予與稽生未面分
好章古人美傾蓋方此何不臧援箏執鳴琴携手
遊空房棲遲衡門下何願於姬姜予心好永年年
永懷樂康我友不期卒改計適他方巖東咸發日
翻然將高翔離別在旦夕惆悵以增傷

風人重離別行道猶遲遲宋玉哀登山臨水送將

歸伊此往昔事言之以增悲歎我與稽生倏忽將
永違俯察淵魚遊仰觀雙鳥飛厲翼太清中徘徊
於丹池欽哉得其所令我心獨違言別在斯須怒

焉如調饑

毛詩怒如調饑韓詩調
作朝訓云朝饑難忍也

離別自古有人非比目魚君子不懷土豈更得安
居四海皆兄弟何患無彼姝巖穴隱傳說寒谷納
白駒方各以類聚物亦以羣殊所在有智賢何憂
此不如所貴身名存功烈在簡書歲時易過歷日
月忽其除勗哉乎稽生敬德在慎軀

郭遐叔 拾遺作 郭遐卿

贈稽康五首

每念遘會惟日不足
所往宵歸常苦其速
歡接無厭如川赴谷
如何忽爾將適他俗
言駕有日巾車命僕
思念君子温其如玉
心之憂矣視丹如綠
如何忽爾超將遠遊
情以怵惕惟思惟憂
展轉反側寤寐追求
馳情運想神往形畱
心之憂矣增其勞愁

不見可欲使心不亂
譬彼造化抗無崖畔
封疆畫

界事利任難唯予與子鮮 一作籍 不同貫交重情親

欲面無算如何忽爾時適他館明發不寐耿耿極

旦心之憂矣增其憤怨

天地悠長人生若忽苟非知命安保旦夕思與君

子窮年卒歲優哉逍遙幸無隕越 叶俞 芮切 如何君子

超將遠邁 叶力 制切 我情願關我言願結心之憂矣良

以切怛

君子交有義不必常相從
天地有明理遠近無異
同三仁不齊迹貴在等賢
蹤衆鳥羣相追鷲鳥獨

言終
卷之八
十六
無雙何必相啣濡江海自可容願各保遐心有緣
復來東

阮德如

陳畱志名曰阮侃字德如尉氏人魏衛尉卿阮共之子有俊才而飭以名理風儀雅潤與嵇康爲友仕至河內太守

答稽康二首

早發溫泉廬夕宿宣陽城顧眄懷惆悵言思我友
生會遇一何幸及子邁歡情交際雖未久思愛發
中誠良玉須切磋璵璠就其形隋珠豈不曜雕瑩
啓光榮與子猶蘭石堅芳互相成庶幾行古道伐

檀侯河清不謂中離別飄飄然遠征臨輿執手訣
良誨一何精佳言盈我耳援帶以自銘唐虞曠千
載三代不可并洙泗久已往微言誰共聽曾參易
簣斃仲由結其纓晉楚安足慕屢空守以貞潛龍
尚泥蟠神龜隱其靈庶保吾子言養真以全生東
野多所患暫往不久停幸子無損思逍遙以自寧
雙美不易居嘉會故難常爰處憩斯土與子邁蘭
芳常願永遊集拊翼同迴翔不悟卒永離一別爲
異鄉四牡一何速征人告路長顧步懷想像遊目

言終
卷之八
七
屢太行撫軫增歎息念子安能忘恬和爲道基老
氏惡強梁患至有身災榮子知所康神龜實可樂
明戒在剗腸新詩何篤穆申詠增慨慷舒檢話良
訊終然永厭藏還誓必不食復與同故房願子盪
憂慮無以情自傷俟路忘所以聊以酬來章

詩紀卷之十八

終

詩紀卷之十九

魏九

阮籍

字嗣宗陳留尉氏人司空記室瑀之子容貌瓌傑志氣宏放初辟太尉掾進散騎常

侍大將軍司馬昭欲爲其子炎求婚籍乃醉六十日不得言而止後引爲從事中郎籍聞步兵厨多美酒遂求爲步兵校尉縱酒昏酣遺落世事又對人能爲青白眼由是禮法之士深所讐疾大將軍常保持之○詩品曰阮籍詩其源出於小雅無雕蟲之功而詠懷之作可以陶性靈發幽思言在耳目之內情寄入荒之表洋洋乎會於風雅使人忘其鄙近自致遠大頗多感慨之詞厥旨淵放歸趣難求顏延之注解怯言其志

詠懷詩三首

言終
卷之九
天地網緼元精代序清陽曜靈和風容與明日映
天甘露被宇蒼鬱高松猗那長楚草蟲哀鳴鶴鷓
振羽感時興思企首延佇於赫帝朝伊衡作輔才
非允文器非經武適彼沅湘託分漁父優哉游哉
爰居爰處

月明星稀天高氣寒桂旗翠旌珮玉鳴鸞濯纓醴
泉被服蕙蘭思從二女適彼湘沅靈幽聽微一作遠
誰觀玉顏灼灼春華綠葉含丹日月逝矣惜爾華
繁

清風蕭蕭修夜漫漫嘯歌傷懷獨寐寤言臨觴拊
膺對食忘餐世無萱草令我哀歎鳴鳥求友谷風
刺愆重華登庸帝命凱元鮑子傾蓋仲父佐桓回
濱嗟虞敢不希顏志存明規匪慕彈冠我心伊何
其芳若蘭

詠懷八十二首

阮嗣宗集傳之既久頗存偽闕世之較
錄者往往肆為補綴作者之旨淆亂甚
焉今以諸本參校其義稍優者為正文
互異者分註於下其舊有闕文疑字而
今本竄益者廓
其傍俟再考正

言終
卷之九
夜中不能寐起坐彈鳴琴薄帷鑒明月清風吹我襟孤鴻號外野翔鳥鳴北林徘徊將何見憂思獨傷心

二妃遊江濱逍遙順風翔交甫懷環珮婉孌有芬芳猗靡情歡愛千載不相忘傾城迷下蔡容好結中腸感激生憂思萱草樹蘭房膏沐爲誰施其雨怨朝陽如何金石交一旦更離傷

嘉樹下成蹊東園桃與李秋風吹飛藿零落從此始繁華有憔悴堂上生荆杞驅馬舍之去去上西山趾一身不自保何況戀妻子凝霜被野草歲暮亦云已

天馬出西北由來從東道春秋非有託富貴焉常保清露被皐蘭凝霜霑野草朝爲媚五臣作美少年夕暮成醜老自非王子晉誰能常美好

平生少年時輕薄好絃歌西遊咸陽中趙李相經過娛樂未終極白日忽蹉跎驅馬復來歸反顧望三河黃金百鎰盡資用常苦多北臨太行道失路將如何

昔聞東陵瓜近在青門外連畛距阡陌子母相鈎
帶五色曜朝日嘉賓四面會膏火自煎熬多財爲
患害布衣可終身寵祿豈足賴

炎暑惟茲夏三旬將欲移芳樹垂綠葉青雲自透
迤四時更代謝日月遞參差

一作差馳

徘徊空堂上

怛莫我知願覩卒歡好不見悲別離

灼灼西墮日餘光照我衣迴風吹四壁寒鳥相因
依周周尚銜羽蛩蛩亦念饑如何當路子磬折忘
所歸豈爲夸譽名憔悴使心悲寧與燕雀翔不隨

黃鵠飛黃鵠遊四海中路將安歸

步出上東門北望首陽岑下有采薇士上有嘉樹
林良辰在何許凝霜霑衣襟寒風振山岡玄雲起
重陰鳴鴈飛南征鷓鴣發哀音素質游商聲悽愴
傷我心

北里多竒舞濮上有微音輕薄閒遊子俯仰乍浮
沈捷徑從狹路僂俛趨荒淫焉見王子喬乘雲翔
鄧林獨有延年術可以

五臣作用

慰我心

湛湛長江水上有楓樹林臯蘭被徑路青驪逝駸

言紀 卷之九
駭遠望令人悲春氣感我心三楚多秀士朝雲進
荒淫朱華振芬芳高蔡相追尋一爲黃雀哀淚下
誰能禁

昔日繁華子安陵與龍陽天天桃李花灼灼有輝
光悅懌若九春磬折似秋霜流盼發姿媚言笑吐
芬芳携手等歡愛宿昔同衣裳願爲雙飛鳥比翼
共翱翔丹青著明誓永世不相忘

登高臨四野北望青山阿松栢翳岡岑飛鳥鳴相
過感慨懷辛酸怨毒常苦多李公悲東門蘇子狹
三河求仁自得仁豈復歎咨嗟

開秋光涼氣蟋蟀鳴牀帷感物懷殷憂悄悄令心
悲多言焉所告繁辭將訴誰微風吹羅袂明月耀
清暉晨雞鳴高樹命駕起旋歸

昔年十四五志尚好詩書被褐懷珠玉顏閔相與
期開軒臨四野登高望所思丘墓蔽山岡萬代集
一作同一時千秋萬歲後榮名安所之乃悟羨門子

嗷嗷令自嗤

徘徊蓬池上還顧望大梁綠水揚洪波曠野莽茫

茫走獸交橫馳飛鳥相隨翔是時鶉火中日月正
 相望朔風厲嚴寒陰氣下微霜羈旅無儔匹俛仰
 懷哀傷小人計其功君子道其常豈惜終憔悴詠
 言著斯章

獨坐空堂上誰可與歡者出門臨永路不見行車
 馬登高望九州悠悠分曠野孤鳥西北飛離獸東
 南下日暮思親友晤言用自寫

懸車在西南羲和將欲傾流光耀四海忽忽至夕
 冥朝為咸池暉蒙汜受其榮豈知集作放窮達士一

死不再生視彼桃李花誰能久熒熒君子在何許

歎息集作曠世未合并瞻仰景山松可以慰吾情

西方有佳人皎若白日光被服織羅衣左右珮雙
 璜修容耀姿美順風振微芳登高眺所思舉袂當

集作向朝陽寄顏雲霄間揮袖凌虛翔飄飄恍惚中

流眄顧我傍悅懌未交接晤言用感傷

楊朱泣岐路墨子悲染絲揖讓長離別飄飄難與
 期豈徒燕婉情存亡誠有之蕭索人所悲既釁不
 可辭趙女媚中山謙柔愈見欺嗟嗟塗上士何用

自保持

於心懷寸陰羲陽將欲冥揮袂撫長劔仰觀浮雲

征雲間有玄鶴抗志揚哀聲一飛冲青天曠世不

再鳴豈與鶉鷄遊連翩戲中庭

京師曹氏家藏阮步兵詩一卷唐人

所書與世所傳多異其一篇云放心懷寸陰羲和將欲冥揮袂撫長劔仰觀浮雲行雲間有立鶉抗

首揚哀聲一飛冲青天疆世不再鳴安與鶉鷄徒翩翩戲中庭孔宗翰亦有本與此多同

夏后乘靈輿夸父為鄧林存亡從變化日月有浮

沈鳳皇鳴參差伶倫發其音王子好簫管世世相

追尋誰言不可見青鳥明我心

東南有射山汾水出其陽六龍服氣輿雲蓋切

一作

覆天綱仙者四五人逍遙晏蘭房寢息一純和呼

喻成露霜沐浴丹淵中炤耀日月光豈安通

集作通

靈臺游瀆去高翔

殷憂令志結怵惕常若驚逍遙未終晏朱華忽西

傾蟋蟀在戶牖螭蛄鳴中庭心腸未相好誰云亮

我情願為雲間鳥千里一哀鳴三芝延瀛洲遠遊

可長生

拔劔臨白刃安能相中傷但畏工言子稱我三江

旁飛泉流玉山懸車棲扶桑日月徑千里素風發

微霜勢外編作世路有窮達咨嗟安可長

朝登洪坡顛日夕望西山荆棘被原野羣鳥飛翩

翩鸞鷺時集作特棲宿性命有自然建木誰能近射

千復嬋娟不見林中葛延蔓相勾連

周鄭天下交街術當三河妖冶閒都子煥燿何芬

葩玄髮發一作照朱顏睇眇有光華傾城思一顧遺

視來相誇初學作過願為三春遊朝陽忽蹉跎盛衰在

須臾離別將如何

若花一作木燿四一作西海扶桑翳瀛洲日月經天塗

明暗不相讐集作伴窮達自有常得失又何求豈效

路上童携手共遨遊陰陽有變化誰云沈不浮朱

驚躍飛泉夜飛過吳洲俛仰運天地再撫四海流

繫累名利場駑駿同一軌豈若遺耳目升遐去殷

憂

昔余遊大梁登于黃華顛共工宅玄冥高臺造青

天幽荒邈悠悠悽愴懷所憐所憐者誰子明察自

照妍一作自然應龍沈冀州妖女不得眠肆侈一作伎

陵世俗豈云永厥年

驅車出門去意欲遠征行征行安所如背弃夸與
名夸名不在已但願適中情單帷蔽皎日高榭隔
微聲讒邪使交疏浮雲令晝冥嫵婉同衣裳一顧
傾人城從容在一時繁華不再榮晨朝奄復暮不
見所歡形黃鳥東南飛寄言謝友生

駕言發魏都南向望吹臺簫管有遺音梁王安在
哉戰士食糟糠賢者處蒿萊歌舞曲未終秦兵已
復來夾林非吾有朱宮生塵埃軍敗華陽下身竟

爲土灰

朝陽不再盛白日忽西幽去此若俯仰如何似九
秋人生若塵露天道邈悠悠齊景升丘山涕泗紛
交流孔聖臨長川惜逝忽若浮去者余不及來者
吾不畱願登太華山上與松子遊漁父知世患乘
流泛輕舟

一日復一夕一夕復一朝顏色改平常精神自損
消胷中懷湯火變化故相招萬事無窮極一作知
謀苦不饒但恐須臾間魂氣隨風飄終身履薄冰

詩經 卷之九
九
誰知我心焦

一日復一朝一昏復一晨容色改平常精神自飄
淪臨觴多哀楚思我故時人對酒不能言悽愴懷
酸辛願耕東臯陽誰與守其真愁苦在一時高行
傷微身曲直何所爲龍蛇爲我鄰

世務何續紛人道苦不遑壯年以時逝朝露待太
陽願攬羲和轡白日不移光天階路殊絕雲漢邈
無梁濯髮暘谷濱遠遊崑嶽傍登彼列仙咀採此
秋蘭芳時路烏足爭太極可翱翔

誰言萬事難逍遙可終生臨堂翳華樹悠悠念無
形彷徨思親友倏忽復至冥寄言東飛鳥可用慰
我情

嘉時在今辰零雨灑塵埃臨路望所思日夕復不
來人情有感慨蕩漾焉能排揮涕懷哀傷辛酸誰
語哉

炎光延萬里洪川蕩湍瀨彎弓掛扶桑長劔倚天
外泰山成砥礪黃河爲裳帶視彼莊周子榮枯何
足賴捐身棄中野烏鳶作患害豈若雄傑士功名

從此大

壯士何慷慨志欲威八荒驅車遠行役受命念自
忘良弓挾烏號明甲有精光臨難不顧生身死魂
飛揚豈爲全軀士效命爭戰場忠爲百世榮義使
令名彰垂聲謝後世氣節故有常

混元生兩儀四象運衡璣暎日布炎精素月垂景
輝晷度有昭回哀哉人命微飄若風塵逝忽若慶
雲晞修齡適余願光寵非已威安期步天路松子
與世違焉得凌霄翼飄飄登雲湄嗟哉尼父志何

爲居九夷

天網彌四野六翮掩不舒隨波紛綸客

集作落

汎汎

若浮鳧

一作鳧

生命無期度朝夕有不虞列仙停修

齡養志在冲虛飄飄雲日間邈與世路殊榮名非
已寶聲色焉足娛採藥無旋返神仙志不符逼此
良可惑令我久躊躇

王業須良輔建功俟英雄元凱康哉美多士頌聲
隆陰陽有舛錯日月不常融天時有否泰人事多
盈冲園綺遯南嶽伯陽隱西戎保身念道真寵耀

詩經 卷之九
焉足崇人誰不善始尠能尅厥終休哉上世士萬
載垂清風

鴻鵠相隨飛飛適荒裔雙翮臨長風須臾萬里
逝朝餐琅玕實夕宿丹山際抗身青雲中網羅孰

能制豈與鄉曲士携手共言誓

從藝文定正

儔物終始殊修短各異方琅玕生高山芝英耀朱
堂熒熒桃李花成蹊將天傷焉敢希千術三春表
微光自非凌風樹憔悴鳥

一作有常

幽蘭不可佩朱草爲誰榮修竹隱山陰射干臨增

城葛藟延幽谷縣縣瓜瓞生樂極消靈神哀深傷
人情竟知憂無益豈若歸太清

鸞鳩飛桑榆海鳥運天池豈不識宏大羽翼不相
宜招搖安可翔不若棲樹枝下集蓬艾間上遊園
圃籬但爾亦自足用子爲追隨

此首藝文類聚所載與今本不同而

義意近優觀李善文選注江文通擬詠懷詩所引與藝文同亦一證也今從藝文定正

生命辰安在憂戚涕沾襟高鳥翔山岡鸞雀棲下
林青雲蔽前庭素琴悽我心崇山有鳴鶴豈可相
追尋

鳴鳩嬉庭樹焦明遊浮雲焉見孤翔鳥翩翩無匹

羣死生自然理消散何續紛漢魏詩集合前為一首

步遊三衢旁惆悵念所思豈為今朝見恍惚誠有

之澤中生喬松萬世未一作安可期高鳥摩天飛凌

雲共遊嬉豈有孤行士垂涕悲故時

清露為凝霜華草成蒿萊誰云君子賢明達集作自

安可能乘雲招松喬呼喻永矣哉

丹心失恩澤重德喪所宜善言焉可長慈惠未易

施不見南飛鷺羽翼正差池高子怨新詩三閭悼

乖離何為混沌氏倏忽體貌隳

十日出暘谷弭節馳萬里經天耀四海倏忽潛濛

汜誰言焱炎久遊沒河行俟逝者豈長生亦去荆

與杞千歲猶崇朝一餐聊自已一作金子是非得失

間焉足相譏理計利知術窮哀情遽一作克能止

自然有成理生死道無常智巧萬端出大要不易

方如何夸毘子作色懷驕腸乘軒驅良馬憑几向

膏梁被服織羅衣深榭設閑房不見日夕華翩翩

飛路傍

言終
卷之九
三
夸談快憤懣情

一作情

慵發煩心西北登不周東南

望鄧林曠野彌九州崇山抗高岑一餐度萬世千
歲再浮沈誰云玉石同淚下不可禁

人言願延年延年欲焉之黃鵠呼子安千秋未可
期獨坐山崑中惻愴懷所思王子一何好猗靡相

携持悅懌猶今辰計校在一時置此明朝事日夕

將見欺

今本作潛見安能處山巖在一時置此明朝事日夕將見欺

貴賤在天命窮達自有時婉變佞邪子隨利來相
欺孤思損惠施但爲讒夫蚩鶴鳴雲中載飛靡

所期焉知傾側士一旦不可持

驚風振四野迴雲蔭堂隅牀帷爲誰設几杖爲誰
扶雖非明君子豈闇桑與榆世有此聾瞶苾苾將
焉如翩翩從風飛悠悠去故居離麾玉山下遺弃
毀與譽

危冠切浮雲長劍出天外細故何足慮高度跨一
世非子爲我御逍遙遊荒裔顧謝西王母吾將從
此逝豈與蓬戶士彈琴誦言誓

河上有丈人緯蕭弃明珠其彼藜藿食樂是蓬蒿

廬豈效續紛子良馬騁輕輿朝生衢路旁夕瘞橫
術隅歡笑不終晏俛仰復欷歔鑿茲二三者憤懣
從此舒

儒者通六藝

一作義

立志不可干違禮不為動非法

不肯言渴飲清泉流饑食并

一作其

一簞歲時無以

祀衣服常苦寒屣履詠南風緼袍笑率軒信道守

詩書義不受一餐烈烈褒貶辭老氏用長歎

少年學擊刺

集作劍

妙伎過曲城英風截雲霓超世

發竒聲揮劍臨沙漠飲馬九野坳旗幟何翩翩但

聞金鼓鳴軍旅令人悲烈烈有哀情念我平常時

悔恨從此生

平晝整衣冠思見客與賓賓客者誰子倏忽若飛

塵裳衣佩雲氣言語究靈神須臾相背弃何時見

斯人

多慮令志散寂寞使心憂翱翔觀陂

一作彼

澤撫劍

登輕舟但願長閒暇後歲復來遊

朝出上東門遙望首陽基松栢鬱森沈鸚黃相與

嬉逍遙九曲間徘徊欲何之念我平居時鬱然思

妖姬

王子十五年遊衍伊洛濱朱顏茂春華辯慧懷清
真焉見浮丘公舉手謝時人輕蕩易恍惚飄颻弃
其身飛飛鳴且翔揮翼且酸辛

塞

一作寒

門不可出海水焉可浮朱明不相見奄昧

獨無侯持瓜思東陵黃雀誠獨羞失勢在須臾帶
劍上吾丘悼彼桑林子涕下自交流假乘汧渭間
鞍馬去行遊

洪生資制度被服正有常尊卑設次序事物齊紀

綱容飾整顏色磬折執圭璋堂上置玄酒室中盛
稻梁外厲貞素談戶內滅芬芳放口從衷出復說
道義方委曲周旋儀姿態愁我腸

北臨乾昧谿西行遊少任遥顧望天津駘蕩樂我
心綺靡存亾門一遊不再尋儻遇晨風鳥飛駕出

南

一作東

林漭瀆瑤光中忽忽肆荒淫休息晏清都

超世又誰禁

一作起坐
復誰禁

人知結交易交友誠獨難險路多疑惑明珠未可
干彼求饗太牢我欲并一餐損益生怨毒咄咄復

何言

有悲則有情無悲亦無思

集作無情亦無悲

苟非嬰網罟

何必萬里畿翔風拂重霄慶雲招所晞灰心寄枯

宅曷顧人間姿始

集作曲

得忘我難焉知嘿自遺

木槿榮丘墓煌煌有光色白日頽林中翩翩零路
側蟋蟀吟戶牖螿蛄鳴荆棘蟬蛸玩三朝采采修
羽翼衣裳爲誰施俛仰自收拭生命幾何時慷慨
各努力

修塗馳軒車長川載輕舟性命豈自然勢路有所

由高名令志惑重利使心憂親昵懷反側骨肉還
相讐更希毀珠玉可用登遨遊

橫術有竒士黃駿服其箱朝起瀛洲野日夕宿明
光再撫四海外羽翼自飛揚去置世上事豈足愁
我腸一去長離絕千歲復相望

猗歟上世士恬淡志安貧季葉道陵遲馳騫紛垢

塵甯子豈不類揚歌誰肯殉

一作詢

栖栖非我偶惶

徨非已倫咄嗟榮辱事去來味道真道真信可娛
清潔存精神巢由抗高節從此適河濱

梁東有芳草一朝再三榮色容艷姿美光華耀傾
城豈為明哲士妖蠱諂媚生輕薄在一時安知百
世名路端便娟子但恐日月傾焉見冥靈木悠悠
竟無形

秋駕

作稅駕者誤

安可學東野窮路旁綸淡魚淵潛鱗

設鳥高翔汎汎棄輕舟演漾靡所望吹噓誰以益
江湖相捐忘都冶難為顏修容是我常茲年在松
喬恍惚誠未央

莊子逸篇尹儒學御三年而無所得夜夢受秋駕明日往朝師師曰

今將教子以秋駕注曰秋駕法駕也

咄嗟行至老僂俛常苦憂臨川羨洪波同始異支
流百年何足言但苦怨與讐讐怨者誰子耳目還
相羞聲色為胡越人情自逼適招彼玄通士去來
歸羨遊

昔有神仙士乃處射山阿乘雲御飛龍噓噏噦

音機

小食也

瓊華可聞不可見慷慨歎咨嗟自傷非儔類

愁苦來相加下學而上達忽忽將如何

林中有奇鳥自言是鳳凰清朝飲醴泉日夕棲山
岡高鳴徹九州延頸望八荒適逢商風起羽翼自

推藏一去崑崙西何時復迴翔但恨處非位愴恨使心傷

出門望佳人佳人豈在茲三山招松喬萬世誰與

期存亾

一作日

有長短慷慨將焉知忽忽朝日墮行

行將何之不見季秋草摧折在今時

昔有神仙者羨門及松喬喻習九陽間升遐嘖雲

霄人生樂長久百年自言遼白日隕隅谷一夕不

再朝豈若遺世物登明遂飄飄

墓前熒熒者木槿耀朱華榮好未終朝連颺隕其

葩豈若西山草琅玕與丹禾垂影臨增城餘光照
九阿寧微少年子日久難咨嗟

歌二首

見大人先生傳拾遺作寄懷歌

采薪者歌

日沒不周西月出丹淵中陽精蔽不見陰光代爲
雄亭亭在須臾厭厭將復隆離合雲霧兮往來如
飄風富貴俯仰間貧賤何必終畱侯起亾虜威武
赫荒夷邵平封東陵一旦爲布衣枝葉托根柢
生同盛衰得志從命升失勢與時墮寒暑代征邁

詩經 卷之九
變化更相推禍福無常主何憂身無歸推茲由斯
理負薪又何哀

大人先生歌

天地解兮六合開星辰墮兮日月頽我騰而上將
何懷

無名氏

襍歌謠辭

諺語附

徐州歌

晉書曰王祥隱居廬江三十餘年不應
州郡之命徐州刺史呂虔檄為別駕于

時寇盜充斥祥率勵兵士頻討破之州
界清靜政化大行時人歌之○按魏志
呂虔文帝時遷徐州刺
史請琅琊王祥為別駕

海沂之康實賴王祥邦國不空別駕之功

滎陽令歌

殷氏世傳曰殷襄為滎陽令廣築
學館會集朋徒民知禮讓乃歌之

滎陽令有異政修立學校人易性令我子弟耻鬪

訟

樂府作
訟爭

行者歌

選詩拾遺作魏時童
謠歌云見五行志

王子年拾遺記曰文帝所愛美人薛靈
芸常山人也年十五容貌絕世咸熙中

文帝選良家子女以入六宮常山太守習谷以千金寶賂聘之以獻至京師帝以文車十乘迎之道側燒石葉之香未至數十里膏燭之光相續不滅車徒咽路塵起蔽于星月又築土為臺基高三十丈列燭於臺下遠望如列星之墜地又於大道之傍一里一銅表高五尺以誌里數故行者歌曰

青槐夾道多塵埃龍樓鳳闕望崔嵬清風細雨襍

香來土上出金火照臺此七字是妖辭也銅表誌道是土上出金之義以燭

置臺下則火在土下之義漢火德王魏土德王火伏而土與土上出金是魏滅而晉興之兆晉以金

也王

明帝景初中童謠

宋書五行志曰魏明帝景初中童謠及宣王平遼東歸至白屋當還鎮長安會帝篤疾急召之乃乘追鋒車東渡河終翦魏室如童謠之言也

阿公阿公駕馬車不意阿公東渡河阿公東晉書作來

還當奈何

齊王嘉平中謠

宋書五行志曰魏齊王嘉平中謠按朱虎者楚王彪小字也王陵令狐愚聞此謠謀立彪事發陵等伏誅彪賜死

白馬素羈西南馳其誰棄者朱虎騎

軍中謠

魏畧曰太祖使盧洪趙達撫軍王刺舉軍中語曰

不畏曹公但畏盧洪曹公尚可趙達殺我

鴻臚歌

魏畧曰韓宣字景然為大鴻臚始南陽曲阜韓暨以宿德在宣前為大鴻臚及宣在官亦稱職故鴻臚中為之語曰

大鴻臚小鴻臚前後治行相曷如

夏侯歌

魏書曰夏侯淵為將赴急疾常出敵不意故軍中語云云淵字妙才沛國譙人從魏太祖征伐封博昌亭侯累官征西將軍

典軍校尉夏侯淵三日五百六十千

州中歌

魏畧曰賈洪字叔業好學有材特精於春秋左傳與馮翊敬危材學最高故眾人為之語曰

州中曄曄賈叔業辯論洵洵敬文通

邢子昂歌

魏志曰邢顥太祖辟為冀州從事時人稱之

德行堂堂邢子昂

詩紀卷之十九 終

詩紀卷之二十

吳一

孫皓

字元宗一名彭祖大皇帝孫也景帝崩皓嗣位為晉所滅封歸命侯

爾汝歌

世說新語曰晉武帝問孫皓聞南人好作爾汝歌頗能為不皓正飲酒因舉觴勸帝歌云云帝悔之

昔與汝為鄰今與汝為臣上汝一杯酒令汝壽萬

春

一作願汝壽千春

韋昭

字弘嗣吳郡雲陽人本名昭史為晉諱改名曜少好學能屬文仕孫吳官至中書僕

詩紀

卷之九

一

射職省為侍中常領左國史撰吳書皓欲父和作紀曜執以和不登帝位宜名為傳皓以此責怒收曜付獄後誅之

吳鼓吹曲十二曲

炎精缺

古今樂錄曰炎精缺者言漢室衰孫堅奮迅猛志念在匡救王迹始乎此也當漢朱鷺

炎精缺漢道微皇綱弛政德違衆姦熾民罔依赫
武烈越龍飛陟天衢耀靈威鳴雷鼓抗電麾撫乾
衡鎮地機厲虎旅騁熊羆發神聽吐英奇張角破
邊韓羈宛頽平南土綏神武章渥澤施金聲震仁
風馳顯高門啓皇基統罔極垂將來

漢之季

漢之季者言孫堅悼漢之微痛董卓之亂興兵奮擊功蓋海內也當漢思悲翁

漢之季董卓亂栢栢武烈應時運義兵興雲旗建
厲六師羅八陣飛鳴鏑接白刃輕騎發介士奮醜
虜震使衆散劫漢主遷西館雄豪怒元惡憤赫赫
皇祖功名聞

言新
卷之一
三
攄武師

攄武師者言孫權卒父之業而征伐也當漢艾如張

攄武師斬黃祖攘一作夷凶族革平西夏炎炎大

烈震天下

伐烏林

伐烏林者言魏武既破荊州順流東下欲來爭鋒孫權命將周瑜逆擊之於烏林而破走也當漢上之回

曹操北伐拔柳城棄勝席捲遂南征劉氏不睦八郡震驚衆既降操屠荆舟車十萬揚風聲議者狐

疑慮無成賴我大皇發聖明虎臣雄烈周與程破操烏林顯章功名

秋風

秋風者言孫權悅以使民民忘其死也當漢擁離

秋風揚沙塵寒露沾衣裳角弓持弦急鳩鳥化爲鷹邊垂飛羽檄寇賊侵界疆跨馬披介冑慷慨懷悲傷辭親向長路安知存與亾窮達固有分志士思立功思立功邀之戰場身逸獲高賞身沒有遺封

克皖城

克皖城者言魏武志圖并兼而令朱光為廬江太守孫權親征光破之於皖城也當漢戰城南

克滅皖城遏寇賊惡此凶孽阻姦慝王師赫征眾
傾覆除穢去暴戢兵革民得就農邊境息誅君弔
民昭至德

關背德

關背德者言蜀將關羽背棄吳德心懷不軌孫權引師浮江而擒之也當漢巫山高

關背德作鴟張割我邑城圖不祥稱兵北伐圍樊
襄陽嗟臂大於股將受其殃巍巍夫聖主睿德與
玄通與玄通親任呂蒙泛舟洪汜池溯涉長江神
武一何桓桓聲烈正與風翔歷撫江安城大據郢
邦虜羽授首百蠻咸來同盛哉三比隆

通荆門

通荆門者言孫權與蜀交好齊盟中有關羽自朱之讐戎蠻樂亂生變作患蜀疑其眩吳惡其詐乃大治兵終復初好也當漢上陵

荆門限巫山高峻與雲連蠻夷阻其險歷世懷不

賓漢王據蜀郡崇好結和親乖微中情疑讒夫亂
其間大皇赫斯怒虎臣勇氣震蕩滌幽藪討不恭
觀兵揚炎耀厲鋒整封疆整封疆闡揚威武容功
赫戲洪烈炳章邈矣帝皇世聖吳同厥風荒裔望
清化化恢弘煌煌大吳延祚永未央

章洪德

章洪德者言孫權章其大德而遠方來附也當漢將進酒

章洪德邁威神感殊風懷遠鄰平南裔齊海濱越
裳貢扶南臣珍貨克庭所見日新

從歷數

從歷數者言孫權從圖錄之符而建大號也當漢有所思

從歷數於穆我皇帝聖哲受之天神明表奇異建
號創皇基聰睿協神思德澤浸及昆蟲浩蕩越前
代三光顯精耀陰陽稱至治肉角步郊畛鳳凰棲
靈囿神龜游沼池圖讖摹文字黃龍覲鱗符祥日
月記覽往以察今我皇多噲事上欽昊天象下副
萬姓意光彼彌蒼生家戶蒙惠賚風教肅以平頌
聲章嘉喜大吳興隆綽有餘裕

承天命

承天命者言上以聖德踐位道化至盛也當漢芳樹

承天命於昭聖德三精垂象符靈表德巨石立九
穗植龍金其鱗鳥赤其色輿人歌億夫歎息超龍
升襲帝服躬淳懿體玄嘿夙興臨朝勞謙日昃易
簡以崇仁放遠讒與慝舉賢才親近有德均田疇
茂稼穡審法令定品式考功能明黜陟人思自盡
唯心與力家國治王道直思我帝皇壽萬億長保
天祿祚無極

玄化

玄化者言上修文訓武則天而行仁澤流洽天下喜樂也當漢上邪

玄化象以天陛下聖真張皇綱率道以安民惠澤
宣流而雲布上下睦親君臣酣宴樂激發絃歌揚
妙新修文籌廟勝須時備駕巡洛津康哉泰四海
歡欣越與三五鄰

薛瑩

字道言初為秘府中書郎孫休即位為散騎中常侍數年以病去官孫皓初為左執法遷選曹尚書及立太子又領少傅

獻詩

三國志曰建衡三年孫皓追歎瑩
父綜遺文且命瑩繼作瑩獻詩曰

惟臣之先昔仕於漢奕世綿綿頗涉臺觀暨臣父
綜遭時之難卯金失御邦家毀亂適茲樂土庶存
予遺天啓其心東南是歸厥初流隸困於蠻垂大
皇開基恩德遠施特蒙招命拯擢泥污釋放巾褐
受職剖符作守合浦在海之隅遷入京輦遂升機
樞枯瘁更榮絕統復紀自微而顯非願之始亦惟
寵遇心存足止重值文皇建號東宮乃作少傅光
華益隆明明聖嗣至德謙崇禮遇兼加惟渥惟豐

哀哀先臣念竭其忠洪恩未報委是以終嗟臣蔑
賤惟昆及弟幸生幸育託綜遺體過庭旣訓頑蔽
難啓堂構弗克志存耦耕豈悟聖朝仁澤流盈追
錄先臣愍其無成是濟是拔被以殊榮翊忝千里
受命南征旌旗備物金革揚聲及臣斯陋實闇實
微旣顯前軌人物之機復傳東宮繼世荷輝才不
逮先是忝是違乾德博好文雅是貴追悼亾臣冀
存遺類如何愚亂曾無髣髴瞻彼舊寵顧此頑虛
孰能忍媿臣實與居夙夜反側克心自論父子兄

弟累世蒙恩成惟結草生誓殺身雖則灰隕無報

萬分

張純

張儼朱異附

賦席

吳郡張純少有清才與同郡張儼朱異俱童少往見驃騎將軍朱據據聞三人才名欲試之曰今三賢屈顧老鄙渴甚矣其為吾各賦一物然後乃坐純曰驥裹以迅驟為工鷹隼以輕疾為妙何必積思皆隨目立成據大歡悅

席為冬設簟為夏施揖讓而坐君子攸宜

賦犬

張儼

守則有威出則有獲韓盧宋鵲書名竹帛

賦弩

朱異

南嶽之幹鍾山之銅應機命中射隼高墉

無名氏

歌謠

王世容歌

吳錄曰王鐔字世容為武城令民服德化宿惡奔逃父老歌之鐔藝文類聚作譚

王世容政無雙省徭役盜賊空

彭子陽歌

吳錄曰彭循字子陽毗陵人建國二年海賊丁儀等萬人據吳太守狄君聞循勇謀以守令循與儀相見陳說利害應時散去民歌之曰

時歲倉卒賊縱橫大戟強弩不可當賴遇賢令彭

子陽

黃龍中童謠

周處風土記云吳黃龍中童謠後孫權征公孫淵浮海乘船舶白也

行白者君追汝句驪馬

孫亮初童謠

晉書五行志曰孫亮初童謠按楊子閣者反語石子峒也鈎絡鈎帶也及諸葛恪歿果以葦席裹身篋束其腰投之石壩後聽恪故吏收葬求之此壩云

吁汝恪何若若蘆葦單衣篋鈎絡於何相求揚

晉書

常作子閣

孫亮初白鼉鳴童謠

晉書五行志曰吳孫亮初公安有白鼉鳴童謠按南郡城可長生者有急易以逃也明年諸葛恪敗弟融鎮公安亦見襲融刮金印龜服之而歿鼉有鱗介甲象也

白鼉鳴龜背平南郡城中可長生守歿不去義無

成

孫皓初童謠

文選補遺作揚州歌

晉書五行志曰吳孫皓初童謠按皓尋遷都武昌民沂流供給咸怨毒焉

寧飲建業水不食武昌魚寧還建業死不止武昌

居

孫皓天紀中童謠

晉書五行志曰吳孫皓天紀中童謠晉武帝聞之加王濬龍驤將軍及征吳江西眾軍無過者而王濬先定秣陵

阿童復阿童銜刀游渡江不畏岸上虎但畏水中

龍

吳謠

吳志曰周瑜少精意於音樂唯三爵之後其有闕誤瑜必知之知之必顧故時人謠云

曲有

一作復

誤周郎顧

時人語

高僧傳曰孫權已制江左而佛教未行有支謙者本月支人來游漢境博覽經籍莫不精究遍學異書通六國語其為人細長黑瘦眼多白而睛黃時人爲之

語曰

言系 卷之一
支郎眼中黃形軀雖細是智囊

廣陵諺

張勃吳錄曰陸稠字伯羸爲廣陵太守姦吏斂手廣陵諺曰

解結理煩我國陸君

孫皓時詩妖

孫皓遣使者祭石印山下妖祠使者因以丹書巖云云皓聞之曰從太皇帝至朕四世太平之主非朕復誰恣虐踰甚尋以降凶近詩妖也

楚九州渚吳九州都揚州士作天子四世治太平矣

詩紀卷之二十 終

